

四庫全書

子部

欽定四庫全書

御定淵鑑類函卷二百四十八

人部七

妓家範

去妻

子婦

妓一

增釋名曰妓女樂也 鑑誠錄曰蜀人呼營妓爲女校書

妓二

增天中記曰河間王琛妓女三百人盡皆國色 南史

曰到攜有愛妓陳玉珠宋文帝逼而奪之攜怨帝將殺之攜入獄數宿鬚鬢皆白免死奪封 江南野史曰開

元中廬陵永新縣尹氏女美姿容善歌唱重陽與郡女戲登南山丈峰爲同輩歌一曲聲逗數十里時刺史召見之表進入宮封爲唱歌供奉喉音妙絕元會大燕舍元殿時燕方酣戲囂劇聖情頗撓高力士因推永新出歌纔一聲羣唱皆默皇襟洞豁至夕而終今存始歌處號爲玉女峰立廟祀之 桂花叢集曰國樂婦人有永

新婦御史娘柳青娘皆一時之妙也 本事詩曰李逢

吉性彊愎猜忌好危人劉禹錫有妓甚麗李一旦陰期

約會奪之劉惶惑歎咤而歸知無可奈何遂憤懣而作

四詩以擬四愁云爾 麗情集曰長安名妓劉國容有

色工詩與進士郭昭述相愛後昭述釋褐授天長簿遂

與國容相別詰旦赴任行至咸陽國容使一女僕馳矮

駒齎短書寄之長安子弟多諷誦焉 郡國雅談曰薛

濤字洪度長安良家子父鄭因官寓蜀濤八九歲知聲

律其父一日坐亭中指井梧示之曰庭除一古桐聳幹
入雲中令濤續之應聲曰枝迎南北鳥葉送往來風父
愀然久之父卒母孀居韋臯鎮蜀召其侍酒賦詩入樂
籍暮年屏居浣花溪著女冠服有詩五百首 隨隱漫
錄曰韓香南徐妓也色藝冠一時與大將葉氏子交閉
門謝客將終身焉葉父怒投牒有司集官軍于射圃中
妻以一老卒香欣然同歸謂曰夫婦有禮汝買羊沽酒
召親故以成禮賓至酒三行入更衣久不出自刎矣

續侍兒小名錄曰小東長沙之妓人以能詩得幸于馬氏後國入爲郡窮于京師而人不知言及長沙宮中事必南望泣涕而後言 三朝野史曰馬光祖知高郵軍值軍官榮全率衆叛據城縱軍劫掠與同黨王安等飲宴有妓毛惜惜不服趨侍全痛責之惜惜云我雖賤妓不曾伏事反臣全遂斬之秋崖方岳作義娼傳閩臣以聞特封英烈夫人 宋史曰理宗癸丑元夕上呼妓入禁中有唐安安者歌色絕倫帝愛幸之侍郎牟子才諫

曰此皆董宋臣輩壞陛下素履

妓三

增都下無雙

關中第一

天寶遺事都下名妓楚蓮香國色無雙時貴門子弟爭相

詣之蓮香每出處之間則蜂蝶相隨慕其香也麗情集長安中有娼女曹文姬工翰墨爲關中第一時號爲書仙有任生者

多生花草

能舞柘枝

李公垂詩序真娘吳之妓

投之詩云云

人歌舞有名者死葬武邱寺前墓多花草蔽其上麗情集灼灼錦城官妓也善舞柘枝能歌水調相府筵中與河東人坐接神通目授如舊相識自此不復面矣灼灼以軟綃帕裹紅淚密寄河東人

厚資獻

賦感舊題詩

五代史補歐陽彬在湖南日馬氏不用因而落魄街市有歌人瑞卿者慕其才

延于家一日西蜀圖網將發瑞卿遂以家財資彬隨網
吏入蜀獻獨鯉朝天賦蜀主大悅擢居清要其後官至
尚書左丞相夔州節度使 本事詩杜牧佐故吏部沈
公在江西幕張好好年十三以善歌來樂籍中隨公移
置宣城後爲沈著作所納見之于 陵前松栢 髻上
洛陽東城感舊傷懷題詩以贈之

杏花

樂府廣題蘇小小錢塘名娼也南齊時人西陵在
錢塘江之西所謂西陵松栢下是也 蕙畝拾英

集趙清獻帥蜀日有妓戴杏花清獻喜之戲語之曰髻
上杏花真有幸妓應聲曰枝頭梅子豈無媒逼晚使直
宿老兵呼之幾二鼓不至復令人速之旋又令止之老
兵忽自幙後出公怪問之兵曰某度相公不過一箇時
辰此念息矣雖 躬撰彩牋 親輸錦帳 蜀牋譜薛濤
承命實未嘗往

躬撰深紅小彩牋裁書供吟酬獻賢傑時謂之薛濤牋
晚歲居碧雞坊初吟詩樓偃息于上後段文昌再鎮蜀

潘卒文昌爲撰墓志 因話錄睦州刺史柳齊物少而
俊邁家富于財因調集至京師有名娼嬌陳如者姿藝
俱美柳詣之悅焉陳云第下錦帳二十里即奉事終身
本易其言戲之耳翌日遂如數載錦帳以行陳大驚且
賞其奇特竟納入柳氏之家執僕媵之禮爲中表所推
明皇在人間嘗聞嬌陳之名訪知乃召入宮涕泣稱痼
疾且老上知其不
可強也命之歸

烏帽紫衣

墨池雪嶺

豪異秘纂
李靖謁楊

素一妓執紅拂侍側目靖久之靖歸逆旅夜有紫衣烏
帽人叩門延入脫衣去帽乃十八九一美人也靖詰之
告曰妾楊家紅拂妓也絲蘿願託喬木乃與俱歸太原
雲漢友議崔崖張祐齊名每題詩娼肆譽之則車馬
盈門毀之則杯盤失錯嘲李端端云黃昏不語不知行
鼻似煙腮耳似鐺愛把象牙梳掠鬢崑崙頂上月初生
端徃求之乃更贈曰覓得驂騑被繡鞍善和坊裏取端
端揚州近日無雙價一朶能行白牡丹于是賓客競臻

其戶或曰李家娘子纔出墨池
便登雪嶺何其一日黑白不均

筒竹盛詩

紅蓮贈

句

唐語林長慶中白居易爲杭州刺史官妓高玲瓏謝
好好巧于應對善歌舞後元微之鎮會稽叅其酬唱

每以筒竹盛詩往來元集白樂天及第時贈長安
妓阿軟絕句云綠水紅蓮一朵開千花萬草無顏色

妓四

增攜妓東山

世說謝安游
東山嘗携妓

稱一枝花

異聞錄天寶中
常州刺史榮陽

公子應舉狎長安娼女李娃娃後封沂國夫人夫人舊
名一枝花元稹酬白樂天代書一百韻云翰墨題名盡
光陰聽話移注云樂天每與子同游常題
名于屋壁顧復本說一枝花自寅至已

飲薰肌酒

麗情集薛瓊瓊開元宮中第一手清明日上令宮妓踏
青狂生崔懷寶竊窺瓊瓊夜之內樂供奉楊羔潛待之

羔令崔作小詞方得見羔飲懷寶薰肌酒曰此長春草
所造亦云千歲酒可令白髮變黑致長生之道崔後爲
河南司錄瓊瓊理箏爲吏所詰叔赴關明皇因以賜之
媛手妓懷中王每至寒

懷取

羨卷中人

麗情集崔徽蒲妓也同郡裴敬中以興元幕爲梁使蒲一見動情相從累

月敬中言旋徽不得去怨抑不能自支後數月敬中密
友東川幕白知退至蒲有丘夏善寫真知退爲徽致意
于夏果得絕筆徽捧畫謂知退曰爲妾謝敬中崔徽
一旦不及卷中人徽且爲郎死矣明日發狂自是卒

松花造紙

牧監問談元稹爲監察御史使蜀知有薛濤
難得見嚴司空潛知其意每遣薛往泊稹登

翰林濤歸浣花所造十色彩牋作小幅松花紙多用題
詩因寄獻元公百餘幅元于松花紙上寄贈一篇薛嘗

好種菖蒲故

篇未及之云

妓五

增詩古樂府蘇小小歌曰我乘油壁車郎乘青驄馬何處結同心西陵松栢下唐譚洙題真娘墓詩曰虎邱

山下塚累累松栢蕭條盡可悲何事世人偏好色真娘墓上獨題詩劉禹錫擬四愁詩曰玉釵重合兩無緣魚在深潭鶴在天得意紫鸞休舞鏡能言青鳥罷銜牋金盆已覆難收水玉軫長拋不續絃若向蘼蕪山下過遙將紅淚灑窮泉鸞辭舊伴栖何處鳳得新巢已稱

心紅粉尚殘香漠漠碧雲初斷信沉沉情知點污投泥
玉猶自經營買笑金從此山頭似人石丈夫形狀淚痕
深 舊曾行處徧尋看雖是生離死一般買笑樓前花
已老畫眉牕下月猶殘雲藏巫峽音容斷路隔星橋過
往難莫道詩成無淚滴盡傾東海也難乾 三山不見
海沉沉豈有仙蹤更可尋青鳥去時雲路斷姮娥歸後
月宮深紗窗遙想春相憶書幌誰憐夜獨吟料得夜來
天上鏡只應徧照兩人心 無名氏贈御史娘詩曰天

下能歌御史娘花前月底奉君王九重深處無人見獨

把新聲傳順郎 元稹寄贈薛濤詩曰錦江滑膩岷峨

秀幻出文君與薛濤言語巧偷鸚鵡舌文章分得鳳凰

毛紛紛詞客多停筆箇箇公侯欲夢刀別後相思隔煙

水菖蒲花發五雲高 胡曾贈薛濤詩曰萬里橋邊薛

校書枇杷花下閉門居埽眉才子知多少管領春風總

不如 任生贈書仙詩曰玉皇前殿掌書仙一染塵心

下九天莫怪濃香薰骨膩雲衣曾惹御爐煙 妓徐月

英送人詩曰惆悵人間萬事違兩人同去一人歸生憎
平望橋邊水忍照鴛鴦相背飛 竇鞏弔妓東東詩曰
芳菲美艷不禁風未到春殘已墜紅惟有側輪車上鐸
耳邊常似叫東東 宋潘庭堅毛惜惜詩曰淮海艷姬
毛惜惜蛾眉有此萬人英恨無已首學秦女向使襄頭
眞杲卿玉骨花顏城下土冰魂雪魄史間名古今無限
腰金者歌舞筵中過一生

增賦馬或咏妓轉轉賦曰玳筵既啟雅樂斯陳霧卷羅

幃花攢錦茵有西園之上客命南國之佳人貌逞嬋娟
縱玉顏而傾國步移縹緲蹴羅韞以生塵

增書妓劉國容寄進士郭昭述書曰酣寢方濃恨雞聲
之斷愛恩私未洽歎馬足以無情使我勞心因君餐食
再期後會以結齊眉

去妻一

增禮喪服小記婦當喪而出則除之爲父母喪未練而
出則三年既練而出則已未練而反則期既練而反則

遂之注云當喪當舅姑之喪出除喪絕族 家語孔子
曰婦有七出三不去七出者不順父母者無子者淫僻
者嫉妒者惡疾者多口舌者竊盜者三不去者謂有所
娶無所歸與共三年之喪先貧賤後富貴凡此聖人所
以順男女之際重婚姻之始也

去妻二

增家語後序曰自叔梁紇始出妻及伯魚亦出妻子思又
出妻故稱孔氏三世出妻 荀子曰孟子惡敗而出妻

可謂能自強矣注云惡其敗德而出其妻也 漢書曰

霍光以女妻金賞賞以霍氏事有萌芽上書去妻上哀
之得不坐 世說曰王獻之疾篤道家上章應首過問

子敬有何異同子敬云不覺餘事惟憶與郗家離婚

後漢書曰桓榮年四十無子弟子何湯乃去榮妻爲更

娶生三子榮甚重之 舊唐書曰崔顥登進士有俊才

無士行好誦博飲酒及游京師娶妻擇有貌者稍不愜

意即去之

去妻三

夫妻再合 冥遇並附

原愛弛 義絕

以色事人色衰而愛弛 夫婦之義絕

仳離

衰薄

詩有

女仳離啜其泣矣

叱狗

別鶴

後漢書鮑永字君長養後母至孝妻寄於

母前叱狗永即去其妻 琴操商陵牧子娶妻五年無子父母欲出之爲改娶乃援琴爲別鶴操

去

閤

送畿

古詩故人從閤去 詩薄送我畿

下堂

去室

綱鑑宋弘曰糟糠之

妻不下堂

蘇武

同心

反目

詩儻儻同心 易夫妻反目

失儷

還漢生妻去室

怨耦

左傳鳥獸猶不失儷 又曰怨耦曰仇

來歸

放出

左傳凡諸侯之女歸

寧曰來出曰來歸 禮曰舅姑怒則子放 婦出而不表禮焉注不表謂不明言其過

貳行

三

出

詩女也不爽士貳其行士也罔極二三其德管子士三出妻逐于境外

離絕

棄背

棄其舊室夫婦離絕國俗傷敗花落后色衰復相棄背

取棗

負薪

漢書王吉字子陽妻

取東家棗啖吉吉乃去婦東家欲伐樹請于吉去婦復還又曰朱買臣負薪其妻羞之求去買臣曰吾五十當富貴今四十九矣妻怒之曰今當餓死遂去之及爲會稽太守入吳界見故妻與夫治道令後車載其夫妻到太守舍園中給之食一日

上書去

束緼還

上霍光壻

金賞事見二

王珉妻

陳平嫂

晉書王珣及珉皆謝氏壻太傅安既與珣

下詳去婦

絕婚又離珉妻遂爲仇怨

漢書陳平與兄伯同居伯

常耕田使平游學嫂疾平不親生產曰有叔如此不如

無有伯聞之

呵叱出門

離訣登車

後漢書李充貧兄弟六人同衣

遂逐其妻

遞食妻竊謂充曰妾有私財願分異充曰醞酒具會鄉里共議及賓至充從座中跪白母曰此婦無狀教充離異充母兄弟不可承宗祀遂呵叱妻出門又曰黃允有偶才知名郭林宗曰卿有絕人之才恐守道不篤袁隗見允曰得婿如此人足矣允聞之遂遣其妻夏侯氏婦謂姑曰今日見棄方與黃氏長別乞一會以展離訣集客二百餘人婦攘袂而前數允隱匿穢事十五言畢登車而去允遂廢于世

增詣澗折蕪

分釵斷帶

金陵故事齊處士劉璩居上元青龍山爲儒林之宗年至四十未婚其友爲娶王氏

乃詣澗折蕪而去因名其地爲靡蕪澗本傳即黃允事允出妻夏侯氏父母曰婦人見棄當分釵斷帶

鏡破絲斷

雨散雲收

孟郊去婦怨君心匣中鏡一破不復全妾心竊中絲雖斷猶牽

連唐宋遺史嚴濯夫娶慎氏十年無子乃出之妻爲詩以別曰當時心事已相關雨散雲收一晌間便是孤

帆從此去不堪重
過望夫山遂如初

夫妻復合

增故妻再合

去婦

復還

後漢黃昌妻遇賊被掠轉入蜀爲人妻後昌爲蜀郡守其妻因治事至府中昌以不類蜀人問其由

妻曰妾本會稽黃昌妻遭亂入蜀昌左足下有黑子昌出足示之相持悲泣乃再合焉

下王吉事見前

原陳詵二妻

賈充兩婦

晉書李繁姊先適陳詵生四子遭亂詣賊請活姑命賊遂

掠去詵更娶嚴生子暉繁後得姊歸詵詵籍注二妻及李亡詵疑制服司馬王愆期議曰案禮不二嫡故惠公

元妃卒繼室以聲子諸侯猶然况庶人乎爲說也妻則爲暉也母暉之制服無所疑矣畝隴之夫不達禮義施

孝叔妻失身于卻犂而不棄者以非其罪鄙野之人臨危請姑險不忘順可謂婦矣士喪禮曰繼室故稱繼母

事之如嫡故先嫡後繼從之又曰賈充前妻李氏以大赦得還詔置左右夫人充母亦教充迎李氏郭氏怒

曰刊定律令佐命之功我有其分李那得與我並乃爲李氏築館舍于外也

重逢潯婦

復憶餅師

宅上百里奚事見賢婦人類

詩話唐寧王憲

因厚遺其夫取之寵愛踰等及環歲問之曰汝復憶餅師否默然不對王召餅師使見之其妻注視雙淚垂頰

王乃歸之

梁女重生

永興復合

晉書元康中梁國女子許嫁已授禮聘尋而其

夫戍長安久不歸女家更以適人女不樂行其母逼嫁之尋病死其夫還徑至女墓不勝哀情便發冢開棺女遂活因與俱歸壻聞詣官爭之侍郎王道議曰此事非常事不得以常理斷之宜還前夫朝廷從其議異苑宋呂相河南人娶永興女爲妻生子乳哺中舅姑怒逐之後相攜幼子過永興見羣婦同游幼子牽一婦號泣相回顧久之認是幼子

母與相復爲夫婦焉

賣鏡咏詩

織機題字

古今詩話

陳舍人徐德言尚樂昌公主陳政衰乃破鏡各分其半約他日以正月望日賣于都市及陳亡其妻歸楊越公得鏡乃爲詩曰鏡與人俱去鏡歸人未歸無復婦娥影空留明月輝樂昌得詩悲泣不已越公知之愴然召德言還其妻

下竇滔妻

能重室家

故遺鞵履

北史宋東

蘇氏事見賢婦人類

徐州刺史張讜妻皇甫氏被掠賜中官爲婢皇甫遂詐癡不能梳沐後讜爲宋冀州長史因貨絹千餘匹購求皇甫文戌怪其納財之多引見之時皇甫年已六十矣文戌曰南人奇好能重室家之禮此老母復何所任乃如此致費也皇甫氏歸讜令諸妾境上奉迎數年卒後十年而讜入魏

下宋程鵬舉事見賢婦人類

冥遇贈以玉壺

遺之金枕

搜神記吳王夫差小女名紫珪才貌俱美悅童子韓

重欲嫁之王不許紫珪飲氣而死重游學歸知之感其意乃具幣帛弔于墓前珪魂出冢見重流涕相與還冢

三日夜贈以徑寸珠并白玉壺延頸而歌曰南山有鳥
北山張羅意欲從君讒言孔多悲結成疹歿命黃壚命
之不造宛如之何羽族之長名爲鳳凰一日失雄三年
感傷雖有衆鳥不爲匹雙故見鄙姿逢君輝光身遠心
近何當暫亡紫珪一作紫玉又曰隴西辛道度行至
雍州城西五里見一大宅辛度求餐飯饌食訖女謂度
曰我秦王女出聘曹國無夫而亡今日君來願爲夫婦
經三宿女曰共君宿契只可三宵命取牀後孟子開之
以金枕一枚爲信度出金枕在懷至秦以枕于市貨之
秦妃索看悲不自勝遣人發冢惟失金枕解體看情交
宛然秦妃曰此真我女壻也

吳中蝴蝶

壇上彩鸞

寧波志東晉梁山伯祝英臺嘗同學祝先歸梁後過上
虞訪之始知爲女歸告父母欲娶之而已許馬氏子矣
梁後三年爲鄞令病死遺言葬清道山下明年祝適馬
氏過其處風濤大作舟不能進祝乃至梁冢哀痛忽地

裂祝投而死馬氏聞其事于朝丞相謝安請封爲義婦
和帝時梁復顯靈異効勞于國封爲義忠有司立廟于
鄞云吳中有花蝴蝶橋蠹所化也婦孺以梁祝呼之
艷異編文蕭抵鍾陵西山山有許徵君上昇第每歲中
秋士女櫛比文生睹一妹歌曰若能相伴陟仙壇應與
丈蕭嫁彩鸞自有繡襦并甲帳瓊臺不怕雪霜寒歌罷
秉燭陟山捫石生亦潛躡其蹤妹顧曰非文蕭耶引至
絕頂侍衛甚嚴後有天判云吳彩鸞以私慾洩天機謫
爲民妻一紀
後入越王山

藍橋玉臼

范陽金盃

艷異編裴航遇
雲翹夫人與詩

云一飲瓊漿百感生元霜搗盡見雲英藍橋便是神仙
窟何必崎嶇上玉京後經藍橋渴過一舍有老嫗揖之
求漿嫗令雲英擎一甌漿飲之航欲娶之嫗曰但得玉
臼玉杵當與之後航得杵臼爲搗藥乃得娶後同仙去
志怪錄范陽盧充家西三十里有崔少府墓充出獵
射中一鵲逐之不覺遠見一門如府舍入其中遂見少

府令女配之三日少府曰君可歸矣女有娠生男當以相還送至門充便上車去又四年三月三日忽見一犢車充往開車後戶見崔女與三歲兒共載抱兒還充又與金盃并贈別詩兒大名溫休成爲令器歷數郡二千石皆著績其後生植爲漢尚書植子毓爲魏司空冠蓋相承至今也

夢入仙宮

形歸

畫幃

盧肇遺史盧李二生隱太白山習吐納李生不甘浪跡江湖于揚州逢盧生號二舅以馬來迎朱門

斜口侍婢數百人一女子佐酒善瑩篴容色極佳上有朱字一行云天際識歸舟雲中辨江樹燕罷曰莫願作姻否其年汴州陸長源以女妻之宛類盧舅坐善瑩篴者李具言舊事女曰少年時因兄弟戲乃作夢入仙宮如君所言松窗雜記進士趙顏于畫工處得一軟障一婦人甚麗謂畫工曰世無其人如何令生願納爲妻畫工曰余神畫也此亦有名曰真真呼其名百日晝夜不歇彼必應應則以百家綵灰酒灌之必活顏如其言

果活言笑飲食如常終歲生一兒兩歲友人曰此妖也
余有神劍可斬之其夕顏攜劍纔入室真真泣曰妾南
岳地仙也無何爲人畫妾之形君又呼妾之名既不奪
君願君今疑妾妾不可住言訖攜其子却上軟障嘔出
先所飲百家絲灰酒觀

冢稱神女

人說鬼胎

參寥子宋

少帝時南徐有一士子從華山往雲陽見客舍有一女
子悅之無因而得遂成心疾母問其故具以告母尋見
女子說之女聞感動因脫蔽膝令母密藏席下卧之當
愈數日果差忽舉席見蔽膝持而泣氣欲絕謂母曰葬
時從華山過母從之比至女門牛打不行且待須臾女
妝點沐浴竟而出歌曰華山畿君既爲儂死獨活爲誰
施君若見憐時棺木爲儂開言訖棺開女倏入棺中因
合葬呼曰神女冢中朝故事人說鄭畋是鬼胎其母
卒後與其父亞
再合而生畋

去妻四

原逆喪

穀梁杞伯來逆叔姬之喪傳曰夫不逆出妻之喪

不安

左傳莒子娶女于向向姜

不安莒而歸莒人入向以姜氏還也

無子非過

梁叔魚三十無子欲出其妻商瞿曰吾年四十

有子五人恐子晚出耳非妻之過矣

蕩舟而歸

左傳齊侯與蔡姬乘舟于圉蕩公公懼色變禁

之不止公怒歸之未之絕也蔡人嫁之

不爲伋妻

禮記子思曰不爲伋也妻者是不爲白也

母

增人不如故

後漢書竇元妻與元書有衣不如新人不如故之句餘詳薄妻類

讀書蔬食

南部新書河東裴章嘗遇高僧慧照言其官班位望過于其父娶妻李氏年四十餘章從

職太原棄妻于洛中過門不入別有所牽李氏自感其薄衣褐髻髻讀書蔬食又十年章復遇照謂曰五十

年前言卽君必貴今皆不然何也章以薄妻之事告之
照曰夫人生魂訴于上帝以非命處君後旬日自以刃
割腹而死

去妻五

原詩古詩曰上山採靡蕪下山逢故夫長跪問故夫新
人復何如新人雖云好未若故人姝其色似相類手爪
不相如新人從門入故人從閤去新人工織縑故人工
織素織縑日一匹織素五丈餘持縑將比素新人不如
故後漢焦仲卿妻劉氏爲姑所遣時人傷之作詩曰

孔雀東南飛五里一徘徊十三能織綺十四學裁衣十
五彈箏篴十六誦詩書十七嫁爲婦心中嘗苦悲君旣
爲府吏守節情不移雞鳴入機織夜夜不得息三日斷
五匹大人故言遲非爲織作遲君家婦難爲妾有繡腰
襦歲時金縷光紅羅複斗帳四角垂香囊交文象牙簾
宛轉素絲繩鄙賤雖可薄猶中迎後人 魏文帝代劉
勲出妻王氏詩曰翩翩牀前帳可以蔽光輝昔將爾同
去今將爾共歸緘藏篋笥裏當復何時披 曹植棄婦

篇曰石榴植庭前綠葉搖縹青丹華灼烈烈璀璨彩有光
榮光榮曠流離可以處淑靈有鳥飛來集拊翼以悲鳴
悲鳴夫何爲丹華實不成拊心長歎息無子當歸寧有
子月經天無子若流星天月相終始流星歿無精棲遲
失所宜下與瓦石并憂懷從中來歎息通雞鳴反側不
能寐逍遙於前庭踟躕還入房肅肅帷幕聲寒帷更攝
帶撫弦彈鳴箏慷慨有餘音要妙悲且清收淚長歎息
何以負神靈招搖待霜露何必春夏成晚穫爲良實願

君且安寧 增唐顧況棄妻詞古人雖棄婦棄婦有歸
處今日妾辭君辭君欲何去本家零落盡慟哭來時路
憶昔來嫁君聞君甚周旋及與同結髮值君適幽燕孤
魂託飛鳥兩眼如流泉流泉咽不下萬里關山道及至
見君歸君歸妾已老物情棄衰殘新寵方妍好 李白
白頭吟曰錦水東北流波蕩雙鴛鴦雄巢漢宮樹雌弄
秦草芳寧甘萬死碎綺翼不忍雲間兩分張此時阿嬌
正嬌妒獨坐長門愁日暮但願君恩顧妾深豈惜黃金

買詞賦相如作賦得黃金丈夫好新多異心一朝將聘
茂陵女文君因贈白頭吟東流不作西歸水落花辭條
羞故林兔絲固無情隨風任傾倒誰使女蘿枝而來強
縈抱兩草猶一心人心不如草莫捲龍鬚席從他生網
絲且留琥珀枕或有夢來時覆水再收豈滿杯棄妾已
去難重迴古來得意不相負祇今惟有青陵臺戴叔
倫去婦怨曰出戶不敢歸風悲日淒淒心知恩義絕誰
忍分離別下坡車鞿鞿畏逢鄉里親空持牀前幔却見

家中人忽辭王吉去爲是秋胡死欲比今日情煩冤不相似

原賦魏文帝出婦賦曰念在昔之恩好似比翼之相親
惟方今之疏絕若驚風之吹塵夫色衰而愛絕信古今
其有之傷笄獨之無恃恨脣嗣之不滋甘歿身而同穴
終百年之常期信無子而應出自典禮之常度悲谷風
之不答怨昔人之忽故被入門之初服出登車而就路
遵長塗而南邁馬躊躇而迴顧野鳥翩而高飛愴哀鳴

而相慕撫騑服而展節即臨沂之舊城踐麋鹿之曲蹊
聽百鳥之羣鳴情悵恨而顧望心鬱結其不平 曹植

出婦賦曰以才薄之質陋奉君子之清塵承顏色以接
意恐疏賤而不親悅新婚而忘妾哀愛惠之中零遂摧
顏而失望退幽屏於下庭痛一旦而見棄心忉怛以悲
驚衣入門之初服背牀室而出征攀僕御而登車左右
悲而失聲嗟冤結而無訴乃愁苦以長窮恨無愆而見
棄悼君施之不終 王粲出婦賦曰既僥倖兮非望逢

君子兮弘仁當隆暑兮翕赫猶蒙眷予見親更盛衰兮
成敗思情固兮日新竦余身兮敬事理中饋兮恪勤君
不篤兮終始樂枯莢兮一時心搖蕩兮變易忘舊姻兮
棄之馬已駕兮在門身當去兮不疑攬衣帶兮出戶顧
堂室兮長辭

原書後漢竇元舊妻與元書曰棄妻斥女敬白竇生卑
賤鄙陋不如貴人妾日已遠彼日已親何所告訴仰呼
蒼旻悲哉竇生衣不厭新人不厭故悲不可忍怨不自

去彼獨何人而居我處

子婦一

增禮記曰父母舅姑之敦年卮匱非餽莫敢用與恒食
飲非餽莫之敢飲食 爾雅曰婦稱夫之父曰舅稱夫
之母曰姑在則曰君舅君姑沒則曰先舅先姑 又內
則曰婦事舅姑如事父母雞初鳴咸盥漱櫛緹笄總衣
紳左佩紛悅右佩箴管施繁褰大鵬木燧衿纓綦履以
適舅姑之所及所下氣怡聲問衣寒燠疾痛疴癢而敬

抑搔之 又曰冢婦所祭祀賓客每事必請於姑介婦
請于冢婦 又曰婦或賜之飲食衣服布帛佩悅蒞蘭
則受而獻諸舅姑受之則喜如新受賜若反賜之則辭
不得命如更受賜藏以待之婦若有私親兄弟將與之
則必復請其故賜而後與之 子夏曰嫁不及舅姑謂
之不幸 漢書賈誼曰秦人抱哺其子與公併倨婦姑
不相悅則反脣而相稽 莊子曰室廡空虛則婦姑勃
蹊 又廣川王傳曰背尊章嫖以忿顏師古曰尊章猶

言尊姑也 曹大家曰女子之事父母也孝故忠可移
于舅姑 顏氏家訓曰古者子婦供事舅姑旦夕在側
與男女無異

子婦二

增列女傳曰孟軻既娶將入室其婦袒于內孟子不悅
遂去不入婦辭母求去母召軻而謂之曰夫禮將上堂
聲必揚所以戒人也將入戶視必下恐見人過也今汝
不察于禮而責于妻不亦遠乎孟子遂留其婦謝之君

子謂孟母知禮而明姑婦之道 列女傳曰班昭年七

十餘卒有遺令凡十六篇子婦丁氏爲撰集之又作大

家贊按昭子曹慤丁慤妻也 世說曰張說女嫁盧氏

女嘗爲舅求官說不語但指搢牀龜示之歸告其夫曰

舅得詹事矣

子婦三

增獻珍 嘗藥

楚王靈龜妃上官氏者舅姑在侍奉謹甚凡珍美非經獻不敢先嘗 莊淑公

主事舅姑以禮姑寢疾不解衣藥糜非親嘗不進

乳姑

鞭婦

唐書崔澹曾祖母長孫氏

年八十無齒不粒食祖母唐夫人事姑至孝每旦梳洗
拜姑于堂下即升堂乳其姑姑賴其養數年康健一旦
姑病宣言無以報新婦恩願新婦有子有孫皆得如新
婦孝敬世謂崔氏昌大有所本云 又曰柳公綽爲刑
部尚書京兆獄有姑鞭婦至死者府欲殺之公綽曰
尊卑非鬪也且子在以妻而戮其母不順遂減論

原佐餒

授室

禮記父母在朝夕恒食子婦佐餒又舅姑降自西階婦降自阼階授之室也

特豚

雙鯉

禮記婦以特豚饋明婦順也姜詩母好生魚及江水其妻取水不及時詩乃

棄妻妻寄鄰舍常作膾倩鄰母送詩母母感之呼
還舍傍輒有泉脈如江水兼躍雙鯉以供母膳必

嘗必服

勿逆勿怠

禮若飲食之雖不嗜必嘗而待加
之衣服雖不欲必服而待又子

婦孝者敬者父母舅
姑之命勿逆勿怠

枕几不傳

杖屨祇敬

禮舅姑
之衣衾

簾席枕几不傳注傳移也

又杖屨祇敬之勿敢近

傳家子婦請事舅姑又

歿則姑老傳家事于子婦又婦將有事大小必請于舅姑也

娶不舉樂嫁親饋

食

又娶婦之家三日不舉樂思嗣親也又婦既嫁婦盥親饋舅姑卒食婦餽餘私之也私猶恩也

猶有不至而後內和

又以此防人婦猶有不至者謂不親夫事舅姑之側也又婦

順脩而后內和內和

增挽車提甕盥饋執筭

鮑宣妻桓

氏事見賢婦人類

王珪子敬直尚南平公主是時諸

主下嫁以帝女貴未嘗行見舅姑禮珪曰主上行法度

吾當受公主謁見豈爲身榮以成國家之美于是與夫

人坐堂上主執筭盥饋乃退其後公主降有舅姑者脩

婦禮本

娣姒獨殊

公姑皆賀

唐高祖太穆順聖皇后竇氏太后羸老有

疾而性素嚴諸娣姒皆畏之莫敢侍后事之獨怡謹盡孝唐盧徹爲吉州刺史一女有幽閒之德焉暢求之

卜者曰祥女入門而媼御皆喜公姑皆賀

原出婦疾怨

子婦未孝未敬勿庸疾怨姑教之若

不可教而后怒之不可怒子放婦出而不表禮焉注雖當出猶爲之隱不表禮謂不明其過犯也

守

肉取水

漢書蒯通曰臣之里有婦姑使守肉夜亡其肉姑以爲婦盜逐之嘗有里婦束蘊請火曰

昨暮犬得肉姑慙追其婦還水妻常取之一日來遲母渴詩逐遣其妻

姜詩母好江

增節其

飲食還以珠璫

汝南記應順字華仲其妻本汝南鄧元義妻元義父伯考爲尚書僕射元

義還鄉里妻留事姑甚謹姑憎之幽閉空室節其飲食羸露日困妻終無怨言後伯考怪而問之時義子朗年數歲言母不病但苦飢耳伯考流涕曰何意親姑反爲此禍因遣歸更嫁爲華仲妻謝承後漢書汝南李敬

爲趙相奴于鼠穴中得繫珠璫珥相連以問主簿對曰
前相夫人昔亡三珠疑子婦竊之因而去婦敬乃送珠
付前相相
慚追去婦
苟違顏色
乃見志操
本傳李迴秀母少
聞不樂迴秀即出其妻或問之答曰娶妻原欲
事姑苟違顏色何可留也
下鮑永事見前

子婦四

原善物

傳曰姑慈而從婦聽而婉禮
之善物也注從專也婉順也

無私

禮記子婦
無私貨無

私蓄無私器不敢
私假不敢私與

成婦義

又三月而廟見稱來婦也
擇日而祭于禰成婦之義

也謂舅
姑沒也

命適私室

又凡婦不命適
私室不敢退

姑喪

檀弓南宮
縚妻姑之

喪夫子
訓其壻

從舅從姑

穀梁曰送女父不下堂母不出祭
門父戒之曰謹慎從爾舅之言母

戒之曰謹慎
從爾姑之言

增歲寒松柏

唐書鄭義宗妻盧氏略涉書史嘗有盜夜至其家人

俱逃走惟姑年老不能移賊欲殺之盧冒白刀救之姑曰歲寒知松栢今乃見婦之心

辭營別

第

又襄城公主下嫁有司告營別第辭曰婦事舅姑如事父母異宮則定省闕

雅合謹修

又太中二年以起居郎鄭顥尚公主詔曰婦人之德雅合謹修嚴奉舅姑夙夜勤事此婦人之節也

今

日好雪

輟耕錄馮道與趙鳳同在中書鳳有女適道仲子以飲食不中爲道夫人譴罵趙氏婢長號知

院者來訴凡數百言道都不答及去但云傳語親家翁今日好雪

子婦五

增誠漢班昭女誠曰賴母師之典訓年十有四執箕帚

于曹氏四十餘載矣戰戰兢兢常懼玷辱以增父母之羞以益中外之累夙夜劬心勤不告勞

家範一

增易曰父父子子兄兄弟弟夫夫婦婦而家道正正家而天下定矣 又初九曰閒有家悔亡象曰閒有家志未變也 又六二曰无攸遂在中饋貞吉象曰六二之吉順以巽也 又六四曰富家大吉象曰富家大吉順在位也 又九五曰王假有家勿恤吉象曰王假有家

交相愛也 又上九曰有孚威如終吉象曰威如之吉
反身之謂也 又曰家人有嚴君焉父母之謂也 詩
曰刑于寡妻至于兄弟以御于家邦

家範二

增晉書庾亮字元規美姿容善談論風格峻整動由禮
節閨門之內不肅而成或以爲夏侯泰初陳長文之倫
人憚其方嚴而莫敢造 唐書曰韋陟家法修整教子
允就學夜分視之見其勤旦日問安色必怡稍怠則立

堂下不與語 又曰李景讓家行修治閨門惟謹 又
曰李晟治家以嚴子姪非晨昏不輒見所與言未嘗及
公事

家範三

原閨門自守

衣冠相見

魏志司馬朗父防閨門自守諸子雖冠成人不命進則不

敢進不命坐不敢坐不指有所問不敢言父子之間整肅如此 晉書何曾至孝閨門整肅自少及長無聲樂

嬖幸之好與妻相見正衣冠相待如賓已南面妻北面再拜上酒酬酢既畢便出一歲如此不過再三

增稱以孝慈

重其友睦

唐書韋倫居家以孝慈稱唐劉德威于閨門友睦

名題里社

禮著閨門

唐書崔鄆四世總麻同爨居光德里宣宗聞而歎曰鄆一門孝

友可爲士族法因題其居曰德星堂後京兆民即其里號爲德星社云

馮元常閨門雍睦有禮法見

重士林

各修家法

柳玘家訓余家本以學識禮法稱于士林唐宰相世系表唐爲國

久傳世多而諸臣亦各修其家法務以門族相高

韓穆二門

邠僊四世

曰又

穆寧居家嚴嘗撰家令訓諸子人一通又誠曰君子之事親養志爲大吾志直道苟枉而道三牲五鼎非吾養也先是韓休家訓子姓至嚴貞元間言家法者尚韓穆二門云又曰崔邠父僊四世一爨當時言治家者推

其書誠屏風

貽譏門戶

房元齡事見訓子類勸弟弼爲晉州刺史以勸

疾召爲司衛卿使省視忽語曰我似少愈可置酒相樂于是奏樂宴飲列子孫于下將罷謂弼曰我即死欲有

言恐悲哭不得盡故一訣耳我見房元齡杜如晦高季輔皆辛苦立門戶亦望詒後悉爲不肖子敗之我子孫今以付汝汝可謹察有不屬言行交非類者急榜殺以聞毋令後人笑吾猶吾笑房杜也

家範四

增家法可稱

唐書張知謩每教子孫經不明不得舉家法可稱

內齋正色

又

柳仲郢私居內齋服用簡素

世稱孝睦

裴向門戶內外親屬百餘口祿俸必均世稱其孝睦

重其家法

本傳朱泚亂崔祐甫妻王陷賊中泚嘗與祐甫同列遺以繒帛菽粟祐甫妻受而緘

鐫之帝還京具封以獻士君子重其家法焉

雍睦保家


孔帖源洧雍睦保家士友推之

家範五

原詩晉潘安仁家風詩曰綰髮綰髮亦鬢止日祇日
祇敬亦慎止靡專靡有受之父母鳴鶴匪和析薪弗荷
隱憂孔疚我堂靡搆義方旣訓家道穎穎豈敢荒寧一
日三省

增書唐李華與外孫崔氏書曰予小時起居尊行三時
侍食今諸子日出高眠爭覽盤噐何嘗有此儀 柳玘
述家訓誡子孫書曰夫門地高者立身行己一事有墮
先訓則罪大于他人門高則自驕族盛則人之所嫉實

詣懿行人未必信纖瑕微累十手爭指摘矣故族遠長
不假問龜筮星數在處心行事而已昭國里崔南山琯
子孫之盛士族罕比仁和里裴尚書寬子孫衆盛寔爲
名閥夫名門右族莫不由祖考忠厚勤儉以成立之莫
不由子孫頑率奢傲以覆墜之成立之難如升天覆墜
之易如燎毛余家本以學識禮法稱于士林喪亂以來
門祚衰落基構之重屬于後生孝慈友悌忠信篤敬乃
食之醯醬可一日無哉



御定淵鑑類函卷二百四十八

欽定四庫全書

子部

御定淵鑑類函卷二百四十九

詳校官內閣學士臣尹壯圖

主事臣祁韻士覆勘

總校官進士臣繆琪

校對官庶吉士臣吳省蘭

謄錄監生臣魏淳耀

欽定四庫全書

御定淵鑑類函卷二百四十九

人部八
兄弟 喪兄弟 外祖孫 舅甥

兄弟一

增釋名曰兄荒也荒大也故青徐人謂兄曰荒弟第也
相次第而生也 說文曰兄長也 周易曰兄兄弟弟
原尚書曰惟孝友于兄弟克施有政 增又曰弟不
念天顯大不克敬厥兄兄亦不念鞠子哀大不友于弟

詩曰緜緜葛藟在河之滸終遠兄弟謂他人昆謂他人昆亦莫我聞 又曰揚之水不流束楚終鮮兄弟維予與汝無信人之言人實廷汝 原又曰陟彼岡兮瞻望兄兮兄曰嗟予弟行役夙夜必偕上慎旃哉猶來無死 增又曰有杕之杜其葉湑湑獨行踽踽豈無他人不如我同父嗟行之人胡不比焉人無兄弟胡不攸焉 原又曰棠棣之華鄂不韡韡凡今之人莫如兄弟 又曰鵲鵲在原兄弟急難 又曰兄弟既翕和樂且湛

增又曰宜兄宜弟令德壽豈 又曰此令兄弟綽綽

有裕 原禮記曰兄弟親戚稱其慈也寮友稱其悌也

增又曰兄弟之讎不反兵 又曰旨酒既清嘉薦亶

時始加元服兄弟具來孝友時格永乃保之 又曰立

敬自長始教人順長類兄也 春秋傳曰君義臣忠父

慈子孝兄友弟恭所謂六順 周禮曰大宗伯之職以

脤膳之禮親兄弟之國

脤膳祭社稷宗廟之肉以賜同姓兄弟之國

又曰

長惠幼順 又曰大司徒曰六行孝友睦婣任恤 原

爾雅曰善兄弟為友 孝經曰孝悌之至通於神明

增又曰敬其兄則弟悅 又曰教民禮順莫善於悌

漢詔曰兄弟敵吾一體一支謂同父母也 東方朔傳

曰同胞之徒無所容居注蘇林曰言親兄弟 谷永書

曰雖察父哲兄覆育子弟誠無以加 文選曰子之友

弟和如琴瑟 初學記曰瓊芳惠茂蘭發玉暉喻兄弟

之賢也 李華弔古戰場文曰誰無兄弟如手如足

兄弟二

增書曰王若曰孟侯朕其弟小子封惟乃丕顯考文王

克明德慎罰弗敢侮鰥寡庸庸祗祗威威顯民 左傳

曰太姒之子惟周公康叔爲相睦也 列女傳曰齊宣

王時有人鬪死道者被一創齊義二子立其旁吏問之

兄曰我殺之弟曰非兄乃我殺之暮年相推不決召其

母問所欲殺活母泣對曰殺少者相曰少子人之所愛

欲殺之何也對曰少者妾之子長者前妻之子子雖痛

謂義何宣王美其義皆赦之 又曰古師安妻呂君少

寡無子其兄犯法君乃泣曰少遭家不造兄弟單跼門宗唯兄存而復此禍我有一計猶足免難爲辭乞代兄命自經縣門縣官嘉其義乃捨之 左傳曰宋向戌來

聘且尋盟見孟獻子美其室曰子有令聞而美其室非所望也對曰我在晉吾兄爲之毀之重勞且不敢問

又曰秦后子有寵于桓如二君子景

后子秦桓公子景公母弟鍼也其權

寵如雨君也

其母曰弗去懼選鍼適晉其車千乘曰秦伯之

弟鍼出奔晉罪秦伯也后子享晉侯造舟于河十里舍

車自雍及絳歸取酬幣終事八反司馬侯問焉曰子之
車盡于此而已乎對曰此之謂多矣若能少此吾何以
得見 又曰鄭莊公弟共叔段居京謂之京城太叔祭
仲諫曰都城過百雉國之害也無使滋蔓蔓難圖也蔓
草猶不可除况君之寵弟乎 漢書曰陳平陽武戶牖
人也少時家貧好讀書有田三十畝與兄伯居伯常耕
田縱平游學 原又曰馮立字聖通與兄野王相代爲
西河上郡太守民歌之曰大馮君小馮君兄弟繼踵相

因循

詳太
守

又曰卜式河南人以田蓄爲事有少弟弟

壯式脫身出獨取畜羊百餘口以田宅財物盡與弟式

入山牧十餘年羊致千餘頭買田宅而弟盡破其產又

分財與弟者數矣 又曰王商字子威涿郡蠡吾人商

爲太子中庶子以肅敬敦厚稱父薨商嗣爲侯推財以

分異母諸弟商無所受 東觀漢記曰魏霸字喬卿濟

陰人爲鉅鹿太守妻子不到官舍念兄嫂在家勤苦而

獨尊樂故常服麤糲不食魚肉婦親蠶桑子躬耕與兄

弟子同苦樂鄉里慕其行化之 又曰王琳年十餘喪

父母遭大亂百姓奔逃惟琳兄弟獨守家廬弟季出遇
赤眉賊將爲誦琳自縛請先季死賊矜而放之 又曰

趙孝字長平沛國蘄人兄弟怡怡鄉黨歸德王莽時天
下亂人相食弟禮爲賊所得孝聞即自縛詣賊曰禮久
餓羸瘦不如孝肥賊並放之 續漢書曰姜肱字伯淮

彭城廣威人家世名族與弟仲海季江皆以孝行著與
弟同被卧甚相親友及長相愛不能相離 增後漢書

曰班固以父彪所續前史未詳乃潛精研思欲就其業
既而有人上書顯宗告固私改作國史者有詔下郡收
固繫京兆獄盡取其家書固弟超恐固爲郡所覈考不
能自明乃馳詣闕上書得召見且言固所著述意而郡
亦上其書顯宗甚奇之除蘭臺令史 又曰梁商字伯
夏安定烏氏人常曰多藏厚亡爲子孫累每租奉到及
兩宮賞賜便置中門外未嘗入藏悉分與昆弟 海內
先賢傳曰范丹字史雲讓財千萬與三弟 原異苑曰

荀林宗字君儒乘水省舅陷河而死兄淪於水側投牋
與河伯岸側水開君儒執牋浮出 增汝南先賢傳曰
潁川陳寔有子曰元方曰季方並以名德稱兄弟孝養
閨門雍睦海內慕其風四府並命無所屈就兄弟嘗過
同郡荀爽夜會飲宴太史奏德星聚 魏書曰房景先
沉敏方正事兄恭謹出告反面晨昏參省側立移時兄
亦危坐相敬如賓客兄曾寢疾景先侍湯藥衣冠不解
形容毀瘁親友莫不哀之 原吳書曰劉繇長子基遭

家多難嬰丁困苦潛處味道不以爲戚與羣弟居常夜
卧早起妻妾稀見其面諸弟事之如父不妄交游門無
雜賓 增晉書曰徐州刺史呂虔有佩刀工相之以爲
必三公可服此刀謂別駕王祥曰苟非其人刀必爲害
卿有公輔之器故以相與祥受之及祥死之日以刀授
弟覽曰吾兒凡汝後必興足稱此刀故以相與 三十
國春秋曰裴楷嘗爲別宅宅甚美楷兄欲之楷便讓之
宋書曰蔡廓罷豫章郡還起二宅先成東宅與弟軌

又曰徐湛之年數歲時與弟淳之共車行牛奔車壞
左右人馳來赴之湛之先令取弟衆咸歎其幼而有識
唐書曰韋嗣立與兄承慶異母少友愛母王氏遇承
慶嚴每鞭笞之嗣立解衣求代母不聽即遣奴自笞母
感悟遂均愛焉議者以比王祥王覽 宋史曰黃山谷
謫黔州嘗書萍鄉縣壁曰兄元明自陳留渡漢沔上夔
峽過一百八盤涉四十八渡送余至摩圍山掩淚握手
臨別有詩云急雪鵲鴒相並影驚風鴻雁不成行 又

曰陸九齡字子壽弟子美子靜伯仲閭閻侃侃自相師友

兄弟三

兄弟友恭 兄弟齊名 兄弟俱貴
附 從兄弟 義兄弟 兄弟不睦 用刑俱

原因心

本性

詩維此王季因心則友則友其兄則篤其慶 庾袞列傳次兄有疾癘氣方殷

袞納漿粥扶持不舍晝

棣華

荊葉

上詳詩 周景式孝子傳古有

夜友愛之至本之天性

兄弟意欲分異出見三荆同根接葉連陰

致美

立

嘆曰木猶欣聚况我而殊異哉還共雍和

敬

史佚有言兄弟致美

增竹筍

鸞龍

開元遺事明皇游後苑有竹叢

密筍不出外帝顧諸王曰父子兄弟相親當如此因謂之義竹藝文昔我兄弟如鸞如龍喻兄弟之賢也

營產

哭麻

南史孔顗為長史弟道存從弟徽頗營產業二弟請假歸輜重十餘船皆緇絹

紙席之屬顗正色曰汝輩忝為士流何類賈客邪命燒

盡而去

劉崇龜弟崇魯與崔緯善帝以李瑛輔政緯

懼見奪共謀沮之及瑛白麻出崇魯執掠麻大哭帝問

之崇魯曰今雖乏人豈宜取儉人為宰相瑛由是不得

相崇龜聞之曰吾兄弟未始

麈尾

鹿車

晉書李矩表郭誦為

以聲名敗今不幸乃生是兒

揚武將軍屢敗石勒誦弟元為賊所執賊遣元以書說

矩曰去年東平曹蕤西賓猗盧矩如牛角何不歸命矩

以示誦誦曰昔王陵母在賊猶不改意弟當何論石勒

復遣誦麈尾馬鞭誦不答後漢書杜林字伯山初為

郡吏客河西隗囂深相敬待林雖拘于囂而終不屈節

弟成物故囂聽林持喪歸既遣而悔追令刺客楊賢于

隴坻遮殺之賢見林身推鹿車載致弟喪乃歎曰
當今之世誰行義我雖小人何忍殺義士因亡去

原

萌肥

禮瘦

東觀漢記倪萌字子明齊國臨淄人常勤
身田農遭歲倉卒人民餒飢相啖與兄俱

出城採蔬為赤眉賊所得欲殺啖之萌詣賊叩頭言兄
年老羸瘠不如萌肥健願代兄賊義而兩釋之下趙

孝事

分甘美

同衣食

東觀漢記孔奮篤骨肉弟奇
在雒陽為諸生分祿俸以供

見前

給其糧用四時送衣下至脂燭每有所食甘美輒分減

以遺奇

江徽陳留志李銓平邱人有至行銓兄前母

子後母甚不愛而衣食皆使下銓銓始年五歲覺已衣
服勝兄即脫不著須兄得已同然後服之其母遂不得

有

梁王同輦

清河共室

漢書梁孝王入朝景帝使
使持乘輿馬迎梁王于

偏

闕下入則侍帝同輦出則同車游獵
和皇帝諱肇章帝中子也兄慶為皇太子母被讒死慶

張瑩漢南記孝

爲清河王帝年四歲代爲太子而特親慶入則共室出則同車

許荆解劍

李鴻刺

印

上見叔姪類

後漢書李鴻字奉遜友于兄弟弟育

罪時未立嗣鴻爲太尉掾在京師傷育以義刷恥門戶斷絕自分代育遂刺印還歸欲過家恐見妻子虧移其

意到縣北亭預作記乞代育通記便飲鴆而死縣令省記怛然驚感

孔融爭死

冷平

讓生

司馬彪續漢書山陽張儉爲中常侍侯覽所忿疾下州郡捕儉儉與孔融兄褒有舊亡投褒過褒出

時融年十五六留舍藏之後以客發洩覺知儉脫走收

融及褒送獄融曰保納藏舍者融也融當坐褒曰彼來

投我罪我之由非弟之過我當坐兄弟爭死郡縣疑不

能決乃上讞詔令坐褒融由是著名

崔鴻南燕錄有

司奏沙門僧智夜入臨淄人冷平舍淫其寡嫂李氏平與弟安國殺之郡縣按平兄弟以殺人論而平安國各

引手殺讓生競死義形急難

陰慶推第 李孟讓田

張瑩漢南記陰慶爲鮑陽

侯其弟員及丹皆爲郎慶以明尚書修儒術推居第園

田奴婢錢悉分與員丹慶但佩印綬而已陳壽益部

耆舊傳李孟元修易論語大義畧舉質性恭順與叔子

就同居就有痼疾孟元推所有田園悉以讓就夫婦紡

績以自

壽子載旌

姚萇授馬

左傳衛宣公烝于夷姜生急子爲之娶于

齊而美公娶之生壽及朔使諸齊使盜待諸莘將殺之

壽子告之使行不可及行壽子飲以酒載其旌以先盜

殺之崔鴻後秦錄姚襄與李歷戰馬中流矢弟萇下

馬以授襄襄曰汝何以自免萇曰兄濟此豎于安敢害

萇天下可無我不可

盧毓養寡

仙偉訓孤

漢書盧毓字子

家涿郡人父植有名于時毓十歲而孤遇本州亂二兄

死難當袁紹公孫瓚交兵幽冀年荒養寡嫂兄子以學

行稱 魏書仙偉弟少亡偉撫寡訓孤同居二十餘年思義甚篤不營產業身亡之後賣宅營葬

姜

肱同被 李克易衣

上見前 下詳見去妻

請代得免 爭死

遂釋

淳于恭弟爲賊所得請代得免死

漢書姜肱與弟季江謁郡夜于道逢賊欲殺之肱兄弟爭前死

賊遂兩釋之但奪衣資

束帶後語 掩戶自撾

劉璉兄璉每隔壁呼璉璉束帶

而後語 後漢書繆彤字公豫兄弟四人同財及各娶兄弟求分異彤乃掩戶自撾曰修身謹行學聖人法將以齊整風俗奈何不能正家及諸婦聞之叩頭謝過更爲敦睦之門

增封之有庠 逃

于荆蠻

孟子象至不仁封之有庠仲雍皆周太王之子季歷之兄也

史記吳太伯與弟季歷賢而有

聖子昌太王欲立季以及昌于是太伯仲雍乃逃荆蠻文身斷髮示不可用以避季歷

弟優于

兄 兄勝其弟

世說王獻之常與兄徽之操之俱詣謝安二兄多言俗事獻之寒暄而已客問

王氏優劣安曰少者佳客問其故曰吉人之辭寡李

義琰使高麗其王據榻召見義琰不拜曰吾天子使可

當小國君君奈何倨見我王辭屈爲加禮及義琛再使

亦坐召之義琛匍匐拜伏時人由是見其兄弟優劣焉

聞聲乃識

唾面自乾

後漢書夏馥以聲名爲中官所忌遂被誣陷詔下州郡捕

爲黨魁馥乃自剪鬚變形爲冶家傭親突烟炭形貌毀

瘁弟靜于涅陽市遇馥不識聞其言聲乃覺而拜之

綱鑑婁師德弟守代州辭之官師德教之耐事弟曰人

有唾面潔之而已師德曰潔之是逢其怒正使自乾耳

憐兄受撻

質弟給需

唐書李景莊老子場屋每被黜母必撻其兄景讓宰相謂

主司曰李景莊今歲不可不收可憐彼兄每歲受撻由

是始得及第桓冲傳桓溫弟冲小字買得郎初溫兄

弟俱少家貧母病需羊解濕溫乃以冲
爲質羊主言不欲爲質幸爲養買得郎

增兄弟友恭

夢草

分荆

南史謝惠連十歲能屬文兄康樂賞愛之
嘗于永嘉西堂思詩竟日不就忽夢見惠

連即得池塘生春草園柳變鳴禽曰此語有神助非吾
所能及也續齊諧記京兆人田真與弟廣慶三人分
財各居堂前有紫荆花一株甚茂共議破而爲三至明
旦即枯死真驚謂二弟曰荆本同株當分折便憔悴况
人兄弟而可離是人不如木

射牛不問

傷犬得差

隋記牛宏寬厚弟弼好酒因醉射殺宏駕車牛宏還宅
其妻迎謂之曰叔射殺牛宏無所推問直答云作脯坐
定其妻又曰叔忽射殺牛大是異事宏曰已知之矣顏
色自若讀書不輟宋書張暢弟收爲獬犬所傷醫曰
食蝦蟇膾即愈收甚難之

逃遁讓封

孤惇相育

後漢

書居巢侯劉般薨子愷當嗣稱父遺意讓其弟憲逃遁
十餘歲有司稱絕其國賈逵上書曰孔子稱能以禮讓
爲國乎何有有司不原樂善之心而繩以尋常之法非
所以表克讓之風成含宏之化也和帝詔聽憲嗣爵徵
愷爲郎唐書陽城字亢宗舉進士第後隱中條山與
二弟階域常易衣而出長不肯娶謂弟曰吾與若孤悻
相育既娶則間外姓雖共處而亦疎我不忍爲弟義之
亦不娶終身

樹字連枝樓名

花萼

謝靈運答惠連詩況我連枝樹與子同一身

恭

順處兄

後村詩話曹植以蓋代之才他人猶愛之況于
父兄乎雖丁儀等坐誅辭不連植黃初之世數

有貶削方責躬上表求以自試兄不見察而不敢廢恭
順之義卒以自全可謂仁且智矣文中子曰至哉思王

以天下讓
真篤論也

惟取圖書

不私錢帛

南史王曇首太保
宏之弟幼有素尚

兄弟分財雲首惟取圖書而已唐書崔孝暉奉兄孝芬盡恭順之禮坐食進退兄不命則不敢也一錢寸帛不入私房吉凶所須坐對分給諸婦亦相與親愛有無共之

兄代弟官 弟爲兄

友高元裕自侍講爲中丞文宗難其代元裕表言兄少逸才可任因以命之世榮其遷晉書劉審理與弟

延景爲友得祿多資之蕭介與兄弟大酒會賞時人以比謝氏烏衣之游伏願內徙得

免外出

唐書張嘉貞奏事京師明皇數慰勞嘉貞自陳少孤與弟嘉祐相恃以長今爲鄴州別駕伏願

內徙使少相近帝爲徙嘉祐忻州刺史又岑文本弟文昭任校書郎多交輕薄帝不悅謂文本曰卿弟多過

朕將出之文本曰臣少孤母所鍾念者弟也不欲離左右今若外出母必憂無此弟是無母也泣下嗚咽帝愍

其意召文昭讓責得免出名標廉讓志勵清高

交州記李祖仁兄弟十人並慈

孝廉讓因名其江曰廉讓江東觀漢記鄧彪字伯智南陽人父邨世祖中興從征伐以功封鄧侯彪以嫡長爲世子邨薨彪當嗣爵讓國與異母弟鳳明帝高其節詔書聽許鳳襲爵彪仕州郡讓產擔金

聚堂還室

列女傳廣漢汝婦者汝敦之妻也居世殷富兄弟早孤而嫂貪吝敦所受田宅奴婢

三百餘萬悉讓于兄裁留地數十畝起舍耕作土中得金一器敦以示妻妻曰本言讓先祖所有此獨非其有耶敦曰固吾意也乃俱擔金與兄嫂嫂見金而喜兄乃惻然感悟棄妻還金魏書楊播字元慶昆季相事有如父子播剛毅椿津恭讓兄弟旦則聚于廳堂椿年老曾他處醉歸津扶持還室仍假寐閣前承候安否椿津年過六十並登台岳而津嘗旦暮參問子姪羅列階下椿每近出或日斜不至津不先飯椿還然後共食食則津親授匙箸味皆先嘗椿命食然後食

事兄如父

呼弟以君

宋書謝宏微少

孤事兄如父 蘇子由已

相約早休

同時請老

蘇子

由曰轍初從子瞻兄讀書未嘗一日相舍既仕宦游四方讀韋蘇州詩那知風雨夜復此對牀眠惻然感之乃相約早休爲閒居之樂其後熙寧十年二月始會于澶濮之間留百餘日宿于逍遙臺追感前約作小詩以紀之 宋史韓獻肅公絳兄弟天性友愛自忠獻公爲兩府大臣至公兄弟爲宰輔者三人公將歸許而兩弟時亦皆七十同時請老朝廷雖未之許其爲榮盛前古未有也忠獻乃獻肅公之父億也

詩酒相

娛 清白交勵

宋周益公名必大字子充廬陵人以太傅退休其兄承成先生以將作監丞退

休年皆八十詩酒相娛終其身 宋史李綸提舉廣東適伯兄維守恩平酌別江濱兄弟相勵以清白綸臨江矢言曰倘負君民有如此水遂投杯于江杯停不沒者久之觀者驚歎民歌曰石門之水清且清晋吏一畝千

古榮爭如李公投杯

罌江流洶洶杯停停

怒其辭召

戒以擇交

宋史范純仁兄

純祐有心疾奉之如父藥膳居服皆躬親賈昌朝守北

都請參幕府以兄辭宋庠薦試館職謝曰輦轂之下非

兄養疾地也富弼責之曰臺閣之任豈易得何庸如是

卒不就蘇東坡泛愛天下無賢不肖歡如也弟子由

少許可嘗戒擇交東坡曰吾

增兄弟齊名兩驥

八

眼前見天下無一箇不好人

龍

劉正兄弟二人時號兩驥

世

二陸

三張

本傳士衡

士龍

本傳孟

五常

二惠

蜀志馬良字季常眉間有白毫兄弟五人時人

陽景陽季陽

為之語曰馬氏五常白眉最良

左傳二惠競爽競爽猶皆善

六龍

八達

晉書卞壺兄弟

並登宰輔世稱卞氏六龍

雙丁

兩到

魏志丁儀丁廙俱有

安平王兄弟八人時號八達

丈才人稱雙丁南史到溉字茂灌撫弟子也父坦齊中書郎溉少孤貧與兄洽弟洽俱知名起家王國左常

侍樂安任昉大相賞好提携溉

洽二人廣爲聲價稱兩到云

東漢二龍 北齊兩

鳳後漢書許邛字子將汝南平輿人也兄虔亦知名汝南人稱平輿之淵有二龍焉

丈俱有名同日受

拜時號兩鳳連飛

賈門三虎 張氏十龍

後漢書賈彪字偉節

兄弟三人並有高名而彪最優故天下稱之曰賈氏三

虎偉節最怒

語林魏張魯有十子時人語曰張氏十

龍儒雅

溫恭 王氏三珠

陸家雙璧

唐書王勃與兄勣勣皆著才名杜易簡稱

爲三珠樹三珠樹生赤水之上

並有時譽洛陽令見之曰僕已年老更睹雙璧

孟

氏雙珠

蘇庭連璧

南史孟景與弟顗並美風姿時人謂之雙珠

蘇東坡與弟子由及

孔文仲經甫與弟武仲常甫平仲穀甫俱以才名播天下黃山谷贈詩曰二蘇稱連璧三孔分立鼎天不墜斯文俱來

集臺省

山稱二隱

秦號兩君

梁書何胤爲中書令後去職居會稽若邪

山雲門寺二兄求點並棲遁求先卒至是胤又隱世號點爲大山胤爲小山本傳唐初漢書學大興其章章者若劉伯莊秦景通兄弟劉納言皆名家景通與暉皆有名精漢書號大秦君小秦君

慈孝庶

讓

酪酥醢乳

上李祖仁事見前友恭類爲御史中丞弟質右補闕員侍御史賞

唐書穆贊

監察御史皆以守道行誼顯兄弟和粹世以珍味目之贊少俗然有格爲酪質美而多文爲酥員爲醢酬賞爲腐乳貞元間言

家法者稱之

爲聯珠集

號花萼篇

又曰竇羣與兄常年弟庠

輩五人皆爲郎工詞章義取五星故名爲聯珠集行于世又曰李義山與兄弟俱以文章名同爲一集號曰

李氏花萼集

俱善文辭

皆敦士行

又曰劉知幾與弟知柔俱以善文詞有名

人號其鄉曰高陽里曰居巢又曰陸象先兄弟景倩景融景猷景喬僧一行少時與象先兄弟相善嘗謂人曰

陸氏兄弟皆敦士行古之荀陳無以過也

汝頴無對

貢舉兩收

陳羣與孔融論

汝頴人物羣曰荀文若休若仲豫當今無對也

乾闥子唐張越石楚金同舉有以兄弟不可兩取欲俱退之

李靖歎曰貢舉本求才行何妨雙舉

西州五鳳

北魏九龍

宋史永康人謝發有

五子固田因圓困以文詞迭魁太學號西州五鳳

北史魏王昕字元景生九子並風流醞籍世號王氏九龍

龍駒鳳雛

玉昆金友

南史晉陸雲崑山人六歲能屬文與兄機齊名幼時吳尚

書閔鴻見而奇之曰此兒若非龍駒定是鳳雛

梁書王琳二子銓錫銓雖學不及錫而孝行齊焉時人以銓

錫爲玉昆金友按銓

洛下三嘏

汝南二應

晉書劉宏字終

嘏兄粹字純嘏

弟演字冲嘏並在中朝世人語曰洛下雅雅有三嘏魏志應劭字仲遠弟珣字季瑜生二子

琚字德璉璉字休

龍文驥子

龜駒玉鴻

裴寅明二子景鸞景

鴻並有逸才河東稱其兄爲驥子弟爲龍文

宋史洪

師民四子長朋字龜父有詩百篇爲郡舉首次芻字駒

父第進士有詩千餘篇靖康中爲諫議大夫次炎字玉

父登第官至著作郎秘書少監次羽字鴻父元符末入

黨籍遂終其身紹興中官其一子按師民娶黃山

神

思清發

大器晚成

晉書劉實字子真平原高唐人也弟知字子房貞潔有兄風爲潁川

太守平原管輅嘗謂人曰吾與劉潁川兄弟語使人神思清發昏不假寐自此之外殆白日欲寢矣後漢書

馬援字文淵三兄況余員並有才能王莽時皆爲二千石援年十一而孤少有大志諸兄奇之嘗授齊詩意不能守章句乃辭況欲就遠郡田牧況曰汝大器當晚成良工不示人以朴且從所好 濟世保家

內潤外朗

上東漢韋元將仲將事見父子類 後漢荀靖與弟爽俱有才名或問汝南許章曰

爽與靖孰賢章曰二荀皆玉也慈明外朗叔明內潤

名相上下

表奏短長

唐書王維三遷尚書

與兄奐名相上下而剛毅過之 唐書王維三遷尚書右丞弟縉爲蜀州刺史俱有才名維自表已有五短縉有五長臣在省戶縉在遠方願歸所任官放回田里使縉得還京師 令伯六龍 充西

三馬

華陽國志李密字令伯六子皆英挺逸秀號曰六龍 北齊書馬子結兄弟三人皆涉文學陽休之

牧充西子庶子尚子結與諸朝士各有詩言 一門龍贈休之總爲一篇酬答曰三馬皆白眉者也

友 二子鳳毛

前涼錄辛攀字懷遠與二兄鑒曠弟寶迅皆以才識知名秦雍語曰五龍一門

金友王昆

金史鄭宏遠金源令二子子京

增兄弟

子聘楊邱行嘗謂人曰金源二子鳳毛也

俱貴皆爲郡縣

並作臺郎

漢書何武字君公蜀都郫人兄弟五人皆爲郡縣

晉書祖逖字士雅范陽人與弟約將母詣洛交結人流逖舅程元良良弟收並臺郎州郡有勢于洛

使

俱兩綬 愧無一言

漢書金日磾兩子賞建俱爲侍中賞爲奉車建駙馬都尉及賞嗣侯

佩兩綬上謂霍光曰金氏兄弟不可使俱兩綬耶光對曰賞自嗣父爲侯耳上笑曰侯不在我與將軍乎光曰

先帝之約非功不侯後漢書鄧悝字叔招安帝即位

拜城門校尉自延平之初悝兄弟率常在中供養兩宮

悝上疏曰幸得遭值聖明兄弟充列顯位並侍幃幄與

聞政事無拾遺一言以補萬分而久在禁省日月益長

罪責日深惟
陛下哀憐之

前後象州

大小上郡

南史夏侯夔爲
象州刺史兄亶

先經此任並有恩惠百姓歌曰前兄後弟布政優優
馮立與兄野王相代爲西河上郡太守民歌之曰大馮
君小馮君兄弟繼踵相因循聰明賢知惠
吏民政如魯衛德化均周公康叔猶二君
俱官八座

皆登三品

唐書閣立本代兄立德爲工部尚書兄弟
相代爲八座時人榮之又曰崔鄯兄弟

六人至三品
部五吏部再唐興無有也

對管華近

同爲幕官

又曰溫大雅遷黃門侍郎弟彥博亦爲中書侍郎對管
華近識者榮之高祖從容謂曰我起晉陽爲卿一門耳

官兄弟同幕時人榮之未幾同入爲御史
西川杜憬辟楊牧節度判官弟嚴觀察判

大小大

夫兄弟節度

唐書李光進其先河曲諸部姓阿鐵氏
王承宗救易宗表光進爲將時光顏亦

至大夫故軍中呼大小大夫 又曰涼國李愬自鳳翔隴右節度代其兄愿爲武寧軍節度使弟兄交換徐岐

兩鎮 碑稱棠棣 第有梧桐 賈敦頤爲洛州司馬人爲

史人復爲立碑其側號棠棣碑 韓子華兄弟皆爲宰相所居第有梧桐京師稱桐木韓家以別康公其家呼

子華爲三相公 兄草弟麻 弟書兄制 金坡遺事錢持國爲五相公 希白惟演從

兄也惟演拜相希白當制世稱弟拜相兄草麻前代未有元豐官制行曲阜之除天官南封爲西掖行詞元

符末魯公拜相曲阜以學士草制對便殿以親嫌辭上云禁中已檢見韓維故事乃批旨云兄弟迭居詞禁兄

行弟辭弟 時羨三楊 人稱七薛 楊憑與弟凝凌皆草兄制 有名大厓中踵推

進士第時號三楊 唐書薛播兄 三人輔相 一時弟七人皆推進士第時號七薛

貴顯

上韓獻肅絳事見前兄弟友恭類宋史陳堯叟堯佐俱拜平章堯咨以儒臣換節度使一時貴顯

召弟代兄

同時出守

唐書韋嗣立為萊蕪令太宗召問曰卿父嘗言臣有兩子

堪事陛下卿兄弟在官誠如父言朕今以卿代兄即日拜鳳閣舍人南史梁簡文帝餞臨海太守劉孝儀蜀

郡太守劉孝勝詩曰兩杜昔夾河二龍今出守

同官兩省

繼美三司

唐書裴寬

兄弟八人皆擢明經任臺省張晫贈開府儀同三司子履冰金吾將軍弟季良殿中監

自稱仕

宦世美顯家

唐書崔湜與弟澄澄從兄涖並以文翰居要官每宴私比東晉王謝曰吾一門

入仕歷宦未嘗不為第一丈夫當先據要路以制人豈能默默受制于人哉孫簡歷河中興元宣武節度而

弟範亦為淄青節度使世推顯家

疊至詔書

對擁旄節

唐闕史左丞盧渥字

子章軒冕之盛近代無比伯仲四人咸登顯列乾符初
母憂服闋渥拜陝西觀察使沿除給事中沅除左拾遺
治遷監察御史詔書疊至及赴任陝郊洛城朝臣以下
設祖筵洛城爲之一空都人聳觀亘數十里有白髯驛
吏聲指曰某自擁篲清郵五十載未嘗觀祖送之盛有
如此者渥題詩于嘉祥驛云唐書楊汝士爲東川節
度使時嗣復鎮西川乃族
昆弟對擁旄節時人榮之
增從兄弟河東三鳳 轅

門二龍

唐書薛元敬隋選部郎中邁之子與從兄弟收
及族兄德音齊名世號河東三鳳收爲長離德

音爲鶯鶯元敬年少爲鵷雛武德中爲文學館學士杜
如晦重之孔帖烏承玘與族兄承恩皆爲先鋒沈勇

剛決號轅

貨財無異

鄉里同稱

牛敬則與三從兄
弟居四十餘年貨

門二龍

產無異後漢書蔡邕與從弟
同居三世不分財鄉里高其義

念生平語 思自全

計又曰馬援爲新息侯從容謂官屬曰吾從弟少游哀
吾慷慨多大志曰士生一世但取衣食粗足若求贏
餘徒自苦耳當吾在浪泊西里間下漆上霧毒氣薰蒸
仰看飛鳥跼跼墮水中卧念少游語何可得也 晉書
曰王衍居宰輔思自全之計以弟澄爲荊州從弟敦爲
青州曰荊州有江漢之固青州有負海之險卿二人在
外而吾留此足以爲
三窟矣識者鄙之

封胡遏末

龍子釋奴

世說謝夫人曰

羣從兄弟則有封胡遏末按封胡謝韶小字遏末謝淵
小字或曰封謂朗遏謂元末謂韶一作胡謂淵遏謂元
末謂韶 隋書盧昌衡小字龍子從弟思道小字釋奴
宗中俱稱英妙故幽州爲之語曰盧家千里釋奴龍子

越俗超塵

聯冠積笏

南史梁劉歊字子元博學能
文族弟訢字彥度幼稱純孝

兄弟二人卜築鍾山有終焉之志劉孝標稱之曰訢超
越越俗如天半朱霞歊矯矯出塵如雲中白鶴皆歎歲

之梁稷寒年之織纊也

唐書崔儼諫議大夫羣從數十人自興寧里謁大明宮冠蓋蟬聯歲時宴于家以一

榻置笏猶重積其上琳與弟太子詹事珪光祿卿瑤俱列榮戟號三戟崔家

升殿偕榮

詞林同貴

又曰鄭善果詔與裴寂等十人每奏事得升殿而從父兄元璿亦與時以爲榮元史鄭

滌孫宋景定進士至元間爲學士弟陶孫亦登進士授編修修國史至宋德祐末年事陶孫曰臣嘗仕宋宋是年亡義不忍書遂終不書

原義兄弟小一月

侍終日

吳志孫權母謂權曰

公瑾伯符同年小一月耳我視之如子汝可兄事之

蜀志雲長翼德爲別部司馬先主與二人寢則同牀思

若兄弟稠人廣

增兄事鄭僑交懼趙禹

史記孔子過鄭與子

坐立侍終日

產如兄弟兄事子產漢書張湯趙禹共定律令務在深文禹至少府湯爲廷尉交懼湯兄事禹

原

兄事袁盎 弟畜灌夫

史記季心任俠殺人亡吳從袁絲兄事之弟畜灌夫

增

兄弟不睦小忿

私情

左傳兄弟雖有小忿不廢懿親蜀志許靖與從弟劬俱知名

有人倫盛名私情不協劬爲郡功曹排擯靖不得齒叙也

尋斧

散金

左傳宋昭公將去羣

公子樂豫曰公族公室之枝葉也葛藟猶庇其根本故君子以爲比而縱尋斧焉必不可

通鑑主父偃爲齊

相偏召昆弟散五百金與之曰無復入偃之門

鞠子

友生

書兄亦不念鞠子哀大不友于

弟注言爲人兄不念稚子之可哀大不能和友于弟

絕國

閱牆

晉信苕祈訴以絕魯曰信蠻夷之訴絕兄弟之國

奴畜

火攻

史記衛青少時自平陽公主家歸其父使牧羊先母之子皆奴畜之不以爲兄弟

下周伯仁事見前

相瘡

不協

詩不令兄弟交相爲瘡
吾兄之不協焉怨諸侯之不睦

左傳

擁馬

寄牋

前燕錄慕容廆父涉歸分部落七百戶與長庶子
吐谷渾分馬以給之廆嗣位而部馬闕廆怒遣使

讓渾渾

渾曰兄弟至親而以馬闕加怒當去汝萬里于是

遂西移

八千里廆後悔之遣乙那樓追渾謝之乃擁回

渾馬

東行數百步輒悲鳴西奔樓曰此非人事遂附

陰山

面黃河後遷隴右談苑韓浦韓洎咸有詞學洎

常輕浦

語人曰吾兄爲文譬如繩樞草舍聊庇風雨予

之爲文

是造五鳳樓手浦竊聞其言偶得蜀牋以詩贈

洎曰

十樣蠻牋出益州寄來新自沅漢

頭老兄

得此全無用助爾添修五鳳樓

栗布

左傳高辛二子長曰閼伯季曰實沈居于曠林不

相能也

日尋干戈以相征討網鑑漢文徙淮南

王于蜀

巖道不食而死人謠曰一斗粟尚

可春一尺布尚可縫

兄弟二人不相容

譬斷手

譏失教

又曰袁譚欲攻弟尚王修諫曰此敗亡道也兄弟左右手譬人將鬪斷右手曰我必勝乎春

秋鄭伯克段于鄆傳曰稱鄭伯譏失教也

哭影堂

泣家廟

宋史王安國嘗陳于兄安

石曰天下洵洵不樂新法恐爲家禍安石不聽安國哭于影堂曰家門滅矣朱子嘗言陳亨伯創經制錢時

兄弟有名某者勸止之不從乃率其子姪泣于家廟以爲作俑之罪祖宗將不祀矣

謗訕免官

輕侮損譽

晉書散騎常侍祖納初與弟約不睦中宗甚任約疎納納乃言于中宗曰約爲人外

有國士之形內懷凌上之性抑而使之可也若假其權必爲亂階中宗弗納納遂以兄弟相謗免官及後約爲逆論者始知納忠誠宋史和嶠爲少保散騎常侍性至儉恪同母弟郁素無名稱嶠輕侮之以此爲損

升沉構怨

感悟爲善

唐書劉仁軌既宦達其弟仁相在鄉曲升沉不同遂構嫌恨與

兄別籍每于縣祇奉戶課或謂之曰何不與給事同籍
五品家當免差科仁相曰誰能向狗尾底避陰涼耶
宋史王魏公有弟傲不可訓一日遇冬至祠家廟列百
壺于堂弟皆擊破之家人惶駭魏公忽自外來入見酒
流滿路不可行公無一言但攝衣步入其後弟忽感悟爲善
飲乳輟爭 噉棗中

毒

韓思彥巡察劍南有兄弟相訟累年不決思彥令厨
宰飲以乳兄弟泣曰公以吾兄弟同乳而生耶遂輟

爭訟

世說魏文帝忌弟任城王驍壯因在卞太后閣

共圍碁

並噉棗文帝以毒置諸棗蒂中自選可食者而

進王不悟遂雜進之既中毒太后索水救之帝預勅左
右毀餅罐太后徒跣趨井無以汲須臾遂卒復欲害東

阿太后曰汝已殺我任

不睦不弟

不友不恭

周禮以八

城不得復殺我東阿

刑糾萬民二曰不睦之刑三曰
不弟之刑下詳見兄弟一

用刑誅管

克段

詩序

管蔡流言以亂周室周公乃誅管叔而放蔡叔

左傳鄭伯克段于鄆詳前

揚干亂行晉

侯不罪其用鉞叔魚鬻獄叔向亦明其正刑

又曰晉侯弟揚

干亂行于曲梁魏絳戮其僕晉侯謂絳曰寡人有弟不能教訓使干大命絳謝曰不敢廢命至于用鉞叔魚爲理官納雍子之女蔽罪邢侯邢侯怒殺叔魚與雍子于朝叔向曰三人同罪施生戮死可也雍子買直鮒也鬻獄邢侯專殺其罪一也仲尼曰叔向古之遺直也治國制刑不隱于親

兄弟四

原賻布班貧

禮記子柳之母死既葬子碩請以賻布之餘具祭器子柳曰君子不家于喪請班諸

兄弟之

旁治

又曰旁治兄弟治正也

無相猶矣

詩兄及弟矣式相好矣無

貧者

相猶矣

貴介

左傳王子圍寡君之貴介弟也

以勇以諾

史記季布以諾弟季心以

勇楚人諺曰得黃金百不如得布一諾

訟田相責

漢書韓延壽為左馮翊有昆弟訟田延壽

傷教化不至乃閉閣思過於是訟者慚悔以田相移終死不爭

北嚮東嚮

又曰丞相田蚡召客

飲坐其兄蓋侯北嚮自坐東嚮以為漢相尊不可以兄故私撓由此漸驕

田園取荒

又曰薛包

好學敦行弟求分財異居包不能止乃中分其財奴婢取老弱者曰我與共事久矣田園取其荒者曰吾少時

所理意所戀也器物取其朽敗者曰吾素所服食身口所安也

欲就弟名

魯恭憐弟平小欲就

其名託病不仕

不受辟

後漢書鍾皓字季明以二兄未顯故不受公府辟

欲辭爵

又曰韋元成兄宏為太常丞多罪過父賢為丞相以宏當辭敕令自免及賢病篤門下生矯賢令以元成為後

賢覺元成即陽為病狂不應
召欲讓爵辟兄宣帝高其節

欲成弟舉

又曰許荆祖父武第五倫

舉武乃為孝廉以二弟普晏未顯欲成之乃謂曰禮有別居乃剖財為三分自取肥田彊奴婢鄉人皆稱二弟義讓普晏等以得舉武乃會宗族泣曰吾盜聲位二弟未立所以自取大譏今理產所增三倍于前悉推二弟一無所留

不過從兄飯

又曰光武問第五倫伯魚曰聞卿為吏不過從兄飯有之乎對曰臣

少遭飢亂實不敢妄過人食帝大笑

季方難為弟

世說陳長文孝先共論其父因白寔寔曰

元方難為兄

盡與為傭錢

鄭均字仲虞兄為縣吏頗受禮遺均諫不從乃為傭

季方難為弟

得錢帛歸與兄曰物盡可復得為吏作賊終身捐棄兄感悟遂為庶潔

何減驃騎

晉書何準兄為

驃騎勸準仕準曰第五之名何減驃騎準兄弟中居第五也

投燭無忤

世說周顗字伯仁友

愛過常弟嵩因酒曰兄才不及弟橫得重名然蠟燭投之顓神無忤徐曰阿奴火攻誠出下策

僧彌

難爲兄

世說王珉字季琰少有才藝名出珣之右語曰法護非不嘉僧彌難爲兄法護珣小字僧彌珉

小字達速憂樂

又曰戴逵逵之弟驍果多權畧逵屬操山東而逵以武勇顯謝安問志業何如

逵答曰下官不堪其憂家兄不改其樂

增腰鼓兄弟

南史沈懷文三子淡深冲冲仕齊爲

御史中丞與兄淡深名譽有優劣世號爲腰鼓兄弟淡深並歷御史中丞兄弟三人並爲司直晉宋所未有也

若蜂腰矣

又曰周宏正幼孤及弟宏直爲伯父捨所養宏正醜而不陋吃而能談諱諧似優剛

腸似直善元理爲當世所宗自稱有才無相宏直方雅氣調高于次昆或問孰賢曰若蜂腰矣

阿鴻

摩天

北史崔光悌之子鴻弱冠有著述拜給事中光悌謂次子曰阿鴻摩天去汝可不勉哉

兄

尚節義

唐書李勣季弟威年十五有奇操李密敗陷于世充令作書召勣對曰兄尚節義今已事主不

能移

友愛合丹

傳載劉巨麟開元中爲廣州刺史弟仲邱爲麗正殿學士兄弟友愛有羅

也

浮道者爲巨麟合丹劑將分半以遺仲邱命刀中破之分銖無差焉

不問有無

金史張穀天性

孝友任子悉先諸弟俸祿所得亦委其弟掌之未嘗問有無云

兄弟五

原詩漢拾遺書上留田行曰里中有啼兒似類親父子

回車問啼兒慷慨不可止

案上留田地名其地人不字孤弟鄰人作此以風之

魏曹植贈弟白馬王彪詩曰謁帝承明廬逝將歸舊疆

清晨發皇邑日夕過首陽伊洛曠且深欲濟川無梁泛
舟越洪濤怨彼東路長修坂造雲日我馬元以黃鵠巢
鳴衡軼豺狼當路衝蒼蠅間白黑讒巧令親疎欲還絕
無逕攬轡止踟躕秋風發微涼寒蟬鳴我側原野何蕭
條白日忽西匿感物傷我懷撫心長歎息丈夫志四海
萬里猶比鄰何必同衾裯然後展殷勤倉卒骨肉情能
不懷苦辛 增曹子建七步詩曰煮豆然豆其豆在釜
中泣本是同根生相煎何太急 原晉陸機與弟雲詩

曰有命自天崇替靡常王師乘運席卷江湘俯慚堂構
仰惟先靈孰云忍愧寄之我情昔我斯逝族有餘榮今
我來思堂有哀聲我行其道鞠爲茂草我履其房屋存
人亡撫膺泣血灑淚彷徨 又詩曰伊我俊弟咨爾士
龍懷襲瑰瑋播殖清風非德莫勤非道莫弘垂翼東畿
耀穎名邦繇繇洪統非爾孰崇依依同生思篤情結義
存並濟胡樂之悅願爾偕老攜手黃髮 又於承明作
與弟士龍詩曰牽世嬰時網駕言遠徂征飲餞豈異族

親戚弟與兄分塗長林側揮袂萬始亭南歸憩永安北
邁頓承明 陸雲答兄詩曰昔我昆弟如鸞如龍今我

友生凋俊墜雄華堂傾榱廣宅頽墉高門降衡修庭樹
蓬 又陸機贈弟雲詩曰行矣怨路長怒焉傷別促指

塗悲有餘臨觴歡不足我若西流水子如東峙岳慷慨
逝言感徘徊居情育安得攜手俱契闊成駢服 又陸

雲答兄機詩曰悠遠塗何極別促怨會長銜恩戀行邁
興言在臨觴南津有絕濟北渚河無梁神往同逝感形

留悲參商衡軌若殊迹牽牛非服箱 宋謝靈運答謝

惠連詩曰懷人行千里我勞盈十旬別時花灼灼別後

葉蓁蓁 謝惠連西陵獻康樂詩曰哲兄感此別相送

越垌林飲餞野亭館分袂澄湖陰悽悽留子言眷眷浮

客心迴塘隱艫柂遠望絕形音 謝瞻答靈運詩曰華

萼相光飾嚶鳴悅同響親子敦余賢賢吾爾賞比景

後先暉方年一日長萎葉愛榮條涸流好河廣 梁簡

文帝應令詩曰微軀多幸接萼嘉運紫幄承慈青襟稟

訓傍玉流溫依蘭染薰百氏旣洽六義乃摘辭河瀉潤
高論忘疲翠幕晨宇朱花夜池牕斜八綺燈懸百枝

又示晉陵弟詩曰零雨岐路悲送歸臨水節時事雖爲
舛離憂等閒別 昭明太子示雲麾弟詩曰白雲飛兮

江上阻北流兮山風舉山萬仞兮多高峰流九派兮
饒江渚上岌峩兮乃逼天雲微蒙兮後興雨實覽歷兮
此名地故遨遊兮茲勝所爾登涉兮一長望理化顧兮
忽憶予想玉顏兮在目中徒踟躕兮增延佇 又示徐

州弟詩曰宴君畫室晴眺銅池三墳既覽四始兼搞高
宇既清虛堂復靜義府載陳元言斯逞 劉孝綽與虞
弟詩曰下邑非上郡徒然想二馮余慙野王德爾勗勝
鄉風望望餘途盡悽悽良宴終朝蔬一不共夜被何由
同 劉孝標冬日家園別陽羨始興詩曰四鳥怨離羣
三荆悅同處如今腰艾綬東南各殊舉且欣棠棣集彌
惜光陰遽點吏本須裁豪民亦難御願勗千金水思聞
五湖譽 增劉公幹贈從弟詩曰汎汎東流水磷磷水

中石蘋藻生其涯華葉紛擾溺采之薦宗廟可以羞佳
客豈無園中葵懿此出深澤 亭亭山上松瑟瑟谷中

風風聲一何盛松枝一何勁冰霜正慘淒終歲常端正
豈不畏凝寒松柏有本性 鳳凰集南嶽徘徊孤竹根

于心有不厭奮翅凌紫氛豈不常勤苦羞與黃雀羣何
時當來儀將須聖明君 梁世祖贈到溉到洽詩曰魏
世重雙丁晉朝稱二陸何如今兩到復似凌寒竹 唐

韋應物贈弟詩曰余解郡符去爾爲外事牽寧知風雨

夜復此對床眠始話南池飲更詠西樓篇無將一會夢
歲月坐推遷 杜甫懷弟穎觀詩曰陽翟空知處荆南
近得書積年仍遠別多難不安居江漢春風起冰霜昨
夜除雲天猶錯莫花萼尚蕭疎對酒都疑夢吟詩正憶
渠舊時元日會鄉黨笑吾廬 又喜弟觀即到詩曰巫
峽千山暗終南萬里春病中吾見弟書到汝爲人竟答
兒童問來經戰伐新泊船悲喜後款款話歸秦 待爾
嗔烏鵲拋書示鵲鴒枝間喜不去原上急曾經江閣嫌

津柳風帆數驛亭應論十年宇愁絕始星星

原賦魏曹植建安十六年大軍西討馬超太子留監國
植時從焉意有懷戀遂作離思之賦在肇秋之嘉月將
曜師而西旗余抱疾以賓從扶衡軫而不怡慮征期之
方至傷無階以告辭念嗣君之光惠庶殁命而不疑欲
畢力於旌麾將何心而遠之願我君之自愛爲皇朝而
寶已水重深而魚悅林修茂而鳥喜 又釋思賦曰家
弟出養族父郎中伊余以兄弟之愛心有戀然作此賦

以贈之彼朋友之離別猶求思乎白駒況同生之義絕
重背親而爲疎樂鴛鴦之同池羨比翼之共林亮根異
其何戚痛別幹之傷心 晉陸機述思賦曰情易感於
已攬思難戢於未忘嗟伊思之且爾夫何往而不臧駭
中心於同氣分戚貌於異方寒烏悲而饒音衰林愁而
寡色嗟余情之屢傷負大悲之無力苟彼塗之信險恐
此日之行是亮相見之幾何又離居而別域觀尺景以
傷悲俯寸心而悽惻

原贊隋辛德源姜肱贊曰姜肱澹雅昆季遺榮同衾協
好比德齊聲戰勝而悅嘉遯以貞孤舟直邁卷跡滄溟
東晉庾統三人贊曰運遘屯凶三孤丞立離禽嚶鳴
邂逅同集式穀既熟和響具翕肇彼遠岐泯焉齊入
朱明張臣尉贊曰詩詠張仲今也朱明輜財敦友衣不
表形寡妻屏穢棠棣增榮臣尉邈然醜類感誠

原書吳陸景與兄書曰向訣不知所言追惟銜恨恨結
胸懷懷此戀恨何時可言望路則尚近別已千里其爲

思結纏在心膺於是離析路人悲之况處至戚兼之懿
好情之感咽何時可勝念兄始出既當勞思嚴寒向隆
經塗輶軻既宜保德爲世作資厚自珍愛 又與兄書
曰自尋外役出入三年緣兄之篤睦心時存之寶錄兄
書積之盈筭不得新命無以自慰時輒溫故以釋其思
有信勿忘數字每見手跡如復暫會 又答從兄安成
王書曰奉告清言溢目眷逮周委炎光已盛願此勝宜
仰承發止已次新林引邁務殷無妨怡賞三湘與區九

疑形勝浮洲動浪聞暝鷗之舊說安流洞浦憶采若之
遺風昔景伯出蕃高風振古叔英之部清約見稱兄政
譽平宣威和兼濟加以夏石奇雲秋江迴月翰飛紙落
理豐詞賦賞末興餘時希逮憶睽離方遠川途修曠炎
涼方改願加珍勗綠字可傳白雲終間心傷淚灑投筆
無宣 增陶淵明與儼等書曰汝輩稚小家貧無役柴
水之勞何時可免念之在心若何可言然雖不同生當
思四海皆兄弟之義鮑叔敬仲生財無猜歸生伍舉班

荆道舊遂能以敗爲成因喪立功他人尚爾况同父之人哉潁川韓元長漢末名士身處卿位八十而終兄弟同居至於沒齒濟北汜稚春晉時操行人也七世同財家無怨色詩曰高山仰止景行行止汝其慎哉

喪兄弟一

增詩曰死喪之威兄弟孔懷 禮曰兄弟之喪以親疎爲輕重 又曰兄弟之喪喪內除哀隨禮殺也 又曰奔兄弟喪先之墓而後之家爲位而哭 又曰孔子曰

兄弟吾哭諸廟

喪兄弟二

增禮曰公叔木有同母異父兄弟死問於子游子游曰其大功乎狄儀有同母異父昆弟死問於子夏子夏曰我未之前聞也魯人則爲之齊衰今之齊衰狄儀之制也又曰成人有其兄死而不爲衰者聞子臯爲成宰遂爲之衰成人曰蠶則績而蟹有匡范則冠而蟬有綏兄則死而子臯爲之衰

問

曰劉紆早失母同產弟

平尚幼鞠育與同起卧及成人未嘗相離平卒紆哭泣
嘔血而死 世說曰王徽之與獻之俱病術人曰應終
而有生人樂代則死者可生徽之曰吾才不如弟請代
術人曰凡代死者已年有餘今君與弟算俱盡何可代
獻之卒徽之奔喪不哭直上靈牀坐取獻之琴彈之久
而不調曰子敬人琴俱亡因一慟而絕

喪兄弟三

原灑血 含癰

陳業事詳兄弟
下徐苗事詳兄弟

哀痛過期 子孫

欽定四庫全書

卷二百四十九

侍宴

唐書趙宏智父事兄宏安俸祿歸之不敢私宏安卒哀痛過期李勣將卒囑弟事見前祖孫類

增稱爲義士

哀若大喪

杜林事見前兄弟類唐書畢構弟樹以太府主簿

留司東都聞構疾馳歸哀毀如大喪雖變服未嘗笑天下稱其友悌

周嵩辭弔

虞監

盡哀

晉書周顗被害王敦使人弔顗弟嵩嵩曰亡兄天下人爲天下人所殺復何所弔敦甚銜之又因事

誅嵩唐書宇文文化及欲殺虞世基世南號泣抱訴請代不能得自是哀毀骨立

喪兄弟四

原如剡之痛

嵇之喪如剡言痛也

期年之服

後漢書馬援兄卒行服嵇年不離喪

所

馬稜心喪

馬稜字伯威少孤依從兄毅共居恩猶同產毅卒稜心喪三年

喪兄弟五

原詩宋顏延之除弟服詩曰徂沒離二秋淹泣備三冬
佳辰緬難紀來算忽易窮升沒奄期晦灑埽易禮容縞
衣變余體長逝歸爾躬

原賦魏文帝悼天賦曰族弟文仲亡時年十一母氏傷
其夭逝追悼無已予以宗族之愛乃作斯賦氣紆結以
填胸不知涕之縱橫時徘徊于舊處覩靈衣之在牀感
遺物之如故痛爾身之獨亡愁端坐而無聊心感感而

不寧步廣廈而踟躕覽萱草於中庭悲風蕭其夜起秋
氣惜以厲情仰瞻天而太息聞別鳥之哀鳴

原文晉潘岳爲楊長文作弟仲武哀祝文曰悠悠上天
我獨何辜祖考早世兄弟幼孤脩嘗艱毒同集蓼荼父
兮生我過庭靡聞母兮鞠我寧一苦辛日顧日復我弟
我身並自垂髮越于成人濬哲聰朗純粹溫良烈烈清
風邦族之望母氏劬勞庶爾之報彼蒼者天子何不弔
殲我令弟窮泉是造無父何怙無弟何友玆玆此身哀

哀慈母煩冤痛毒撫心思咎哀爾薄祐逢家多阻弱冠
未室盛年絕緒喪庭寥廓廬位無主冥冥長夜窈窈元
宇當復何時見我仲武于以紉之于其王父魂而有靈
神其寧處 又哭弟文曰視不見兮聽不聞逝日遠兮
憂彌殷終皓首兮何時忘情楚惻兮常苦辛

原啟梁簡文帝敘南康簡王薨上東宮啟曰方當逸足
長衢克固藩屏而峰摧壁毀一朝云及綱兄弟各從王
役東守西撫常願陪承甲館同奉畫堂預得西苑賦文

北塲旋食豈謂不幸獨隔昭世異林有悲飛鳴斯切伏
惟殿下愛睦恩深常棣天篤北海云亡騎傳餘藁東平
告盡驛問留書嗚呼此恨復在茲日 劉孝儀從弟喪

上東宮啟曰亡從弟遵百行無點千里立志同氣三荆
之友假寢十起之慈皆禮之于自然行之如俛拾自礪
宮陪宴釣臺從幸攀附鱗翼三十餘載茫昧與善一旦
長辭劍匿光芒壁碎符采躬搖神筆親動妙思雖每想
南皮書憶阮瑀行經北館歌悼子侯不足輩此深仁齊

茲舊愛

原書梁元帝答晉安王敘南康簡王薨書曰南康兄器
宇沖貴風神英挺魏之中山徒聞退讓晉之扶風雖號
師範用今方昔若吞夢雲及尋陽私疾孝感神明殆不
勝喪扶而後起猶冀天道可期豈謂福善虛說且分違
易久嘉會難逢綢繆宮閭不過紈綺之事離羣作鎮動
迴星紀之歷志異雙鸞之集遽切四鳥之悲松茂柏悅
夙昔歡抃芝焚蕙歎今用嗚咽

原祭文宋陶潛祭從弟文曰曰仁者壽竊獨信之如何
斯言徒能見欺年甫過立奄與世辭長歸萬里邈無還
期庭樹如故齋宇廓然孰云敬遠何時復旋 顏延之
祖祭弟文曰闔棺窮野啟殯中荒靈影夙滅寢虛張
人往運來自秋徂陽蕃蘭落色宿草滋長孰云不痛辭
家去鄉爾之于役爰適茲邑上秋告來方春佇立如何
不弔吉違凶集六親恫心姻朋浩泣我雖載奔伊何云
及永懷在昔追亡悼存唯兄及弟瞻母望昆生無榮嫵

沒望歸魂今龜吉兆祖櫬東旋靈輅次路嚴舟在川廓
然何及痛矣終天

外祖孫一

增漢書曰王符字節信安定臨涇人也少好學有志操
與馬融竇章張衡崔瑗等友善安定俗鄙庶孽而符無
外家爲鄉人所賤 晉書曰殷顗庾恒並是謝鎮西外
孫殷少而率悟庾每不推嘗俱詣謝公謝公熟視殷曰
阿巢故似鎮西于是庾下聲語曰定何似謝公續復云

巢頰似鎮西庾復云頰似足作健否 陶淵明孟府君

傳曰君諱嘉字萬年淵明先親君之第四女也凱風寒

泉之思實鍾厥心謹按採行事撰爲斯傳懼或乖謬有

虧大雅君子之德所以戰戰兢兢若履深薄云爾 南

史曰劉顯字嗣芳璪族子也父駿字仲翔博識強正名

行自居幼爲外祖臧質所鞠養質既富盛恒有音樂質

亡後母沒十餘年駿每聞絲竹之聲未嘗不歔歔流涕

六帖曰周翼無託養在邵家

外祖孫二

增述書

從學

漢書楊惲字子幼其母司馬遷之女也惲始讀外祖太史公記頗爲春秋以材

能稱好交英俊諸儒名顯朝廷又云遷死惲祖述其書遂宣布焉

唐書蔣乂字德源常州人幼從外家學得

其書遂博覽強記

解其忿訟

誠以廣咨

後漢書樊重賢至巨萬而嘉惠宗族

外孫何氏兄弟爭財重恥之以田二頃解其忿訟年八十餘終下見諸葛武侯誠外孫書

如虎

而冠 畫龍未成

漢紀呂后崩周勃畫誅諸呂而瑯琊王亦從齊至長安大臣議欲立齊王

皆曰母家駟鈞惡戾虎而冠者也方以呂氏故幾致亂天下今又立齊王是欲復爲呂氏也南史蕭惠開思

話少子也初爲秘書郎意趣與人不同比肩或三年不共語其外祖劉光祿成誠之曰汝思戚家子正應將迎

時俗緝外內之歡如汝自業將無少傷多異以取天下
疾患耶蕭曰人間宜相緝和誠如慈旨但不幸耿介恥
作凡人畫龍未成是以多忤耳

當繩其祖

皆踰其父

晉書荀勗少依舅氏十餘

歲能屬文從外祖魏太傅曰此兒當及其曾祖唐書
楊於陵生子嗣復外祖韓滉撫其背曰名與位皆踰其
父此楊氏之慶也因字曰慶門

嬉戲扶牀

感歎自杖

韓集累累外孫有攜有嬰

扶牀坐膝嬉戲歡爭又元集扶牀小女君先識應有
此些似外翁隋書皇甫績三歲而孤為外祖韋孝寬

所鞠養嘗與諸外兄博奕孝寬督以嚴訓績感歎
命左右自杖孝寬聞而對之流涕于是博涉經史王

筠風韻

袁湛雅操

梁書王筠清潔好學沈約見筠以
為似外祖袁粲謂僕射張稷曰王

郎非惟額似袁公風韻都欲相似稷曰袁公見人輒矜
嚴王郎見人必嬉笑惟此一條不能酷似晉書袁湛

少有雅操爲外祖謝安所知以姪元女妻之

貴符相宅 恩遺補官

晉書魏舒

字陽元少孤爲外家寧氏所養寧氏起宅相宅者云當出貴甥外祖母以魏氏甥小而慧意謂應之舒曰當爲外氏成此宅相後舒位至三公司馬朴丞相光之兄里之孫也少喪母育于外祖范純仁紹聖初黨議起父宏至中書論辨得罪純仁亦坐救黨人謫永州日疾失明客至必令朴導以見時朴方七歲進揖應對如成人客皆驚歎後以純仁遺恩補官

外祖孫三

增中外之寶

梁書范岫字懋賓幼而學早孤事母以孝聞外祖顧延之早相題目以爲中外之寶

汝家陽元

又曰陸倕少爲外祖張岱所異謂諸子曰此汝家陽元也

自稱家世

唐書溫造字簡與上愛其才問家世及年造對曰臣五世祖大雅外五世祖李勣臣犬馬之齒三十有六帝奇之

枕石漱流

南史顧協幼孤隨母養于外氏外從祖張永攜内外子姪游虎邱協年數歲永

撫之曰兒欲何戲協曰兒欲枕石漱流永歎曰顧氏興於此子

外祖孫四

增詩唐杜甫詩曰爾爲曾外孫個儻汗血駒 白居易

詩曰中郎餘慶鍾羊祜子幼能文似馬遷 宋王安石

贈外孫詩曰南山新長鳳凰雛眉目分明畫不如年少

從他愛梨棗長成須讀五車書

增文諸葛武侯誠外孫曰丈夫之志當存高遠慕先賢
絕情欲棄凝滯廣咨問除嫌吝雖有淹留何損于美趣
何患于不濟若志不強毅意不慷慨徒碌碌滯于俗默
默束于情永竄伏于凡庸不免于下流矣

增記宋蘇軾記外祖程公遺事曰紹聖二年三月九日
某在惠州讀淵明所作外祖傳云凱風寒泉之思實鍾
厥心意淒然悲之乃記公之遺事以遺程氏亦庶幾淵
明之心也 朱熹記外大父遺事曰外家新安祝氏世

以貲力好善聞于州郡生業幾有郡之半時稱祝半州
有諱景先者字二翁尤長者元祐黃太史嘗贊其畫像
外大父其第二子也諱確字永叔特淳厚孝謹竊感陶
公作孟府君傳及近世眉山蘇公亦述程公遺事不勝
凱風寒泉之思書此以遺康國使藏于家時出而訓習
之以勵其子孫

舅甥一

增釋名曰舅久也 又曰姊妹之子曰甥 爾雅曰母

之舅弟爲舅母之從父舅弟爲從舅又男子謂姊妹之

子爲出謂我舅者吾謂之甥出出配他男而生 左氏

注曰姊妹之孫爲從孫甥 彙苑曰母之兄弟妻之父

皆曰舅婦謂夫之父亦曰舅又舅者舊也謂老舅之稱

甥女之子曰甥 詩曰既有肥牡以速諸舅 禮曰屬

從者所從沒也亦服注屬從謂母雖沒亦爲之服 又

曰睦于父母之黨可謂孝矣黨親也 儀禮曰舅母之

昆弟傳曰何以服總從服也 又曰甥何以總

言從母服也

報之也 檀弓曰從母之夫舅之妻二夫人相爲服君子未之言也

舅甥二

增詩曰王遣申伯路車乘馬我圖爾居莫如南土錫爾介圭以作爾寶徃近王舅南土是保 左傳曰楚文王伐申過鄧鄧祁侯曰吾甥也止而享之驪甥聃甥養甥請殺楚子鄧侯不許三甥曰亡鄧國者必此人也若不早圖後將噬臍其及圖之乎十六年楚伐鄧滅之 又

曰陳厲公蔡出也注姊妹之子曰出 又曰叔向欲娶

申公巫臣氏其母欲娶其黨叔向曰吾母多而庶鮮吾

懲舅氏矣

注言父多妾媵而庶子鮮少嫌母氏性不曠

又曰晉侯曰康公我

之自出

注秦康公晉外甥也

東觀漢記曰黃香字文強年十二

家業虛貧衣食不贍舅龍鄉侯爲作衣被不受 後漢

書曰范滂外甥西平李頌公族子孫而爲鄉曲所棄中

常侍唐衡以頌請宗資資用爲吏滂非其人寢而不召

資遷怒書佐朱零零仰曰范滂清裁猶以利刃齒腐朽

今寧受笞死而滂不可違資乃止 晉陽秋曰王夷甫

父又爲平北將軍有簡書將免官夷甫年十七見所繼
從舅羊祜申陳事狀辭甚俊偉祜不然之夷甫拂衣而
起祜顧謂賓客曰此人必將以盛名處當世大位然敗
俗傷化者必此人也 晉書曰范汪少孤年六歲過江
依外家庾氏荊州刺史王湛見之曰興范族者必此子
也十三喪母居喪盡禮及長好學博識多通善談名理
又曰習鑿齒與其二舅羅崇羅友俱爲州從事及遷

別駕以坐越舅右屢經陳請溫後激怒既盛乃超拔其

二舅相繼爲襄陽都督出鑿齒爲滎陽太守 又曰姚

興太史令高魯遣其甥王蒙隨劉藻送玉璽一紐並圖

識祕文于慕容德 南史曰魚宏性豪侈李抗學其爲

人抗舅元法聞之杖抗三百 三輔決錄曰吉闕幼有

名九歲明尚書舅何邈死家貧子幼闕自造墳塋殯葬

之 金史曰周昂大定進士其甥王若虛嘗學于昂昂

教之曰文章工于外而拙于內可以驚四筵而不可以

適獨坐可以得口稱而不可以得首肯

舅甥三

增讀史

誦詩

梁書樂藹字蔚遠其舅雍州刺史宗慤嘗陳器物試諸甥姪時藹尚幼而所取

惟書慤由此竒之又取史傳各一卷授藹等使讀讀畢言所記藹略讀具舉慤益善之北史楊愔字遵彥津

子也小名秦王幼喪母曾詣舅源子恭子恭與之飲問曰汝比來讀何書答曰誦詩子恭因曰誦詩至渭陽未惜便號泣感噎子恭亦對之歔歔遂為罷酒子恭後謂津曰嘗謂秦王貌不甚察慧從今以後更刮目視之

原送渭陽

詠渚側

詩序渭陽康公念母也秦康公送晉文公于渭之陽曰我送舅

氏曰至渭陽何以贈之路車乘黃晉書殷浩甥韓伯浩素賞愛之浩被廢徙東陽韓隨至徙所經歲餘還都

浩送至渚側詠曹顏遠詩云富貴他人合貧賤親戚離因而泣下

增出封謝邑

助

討橫江

詩注周宣王之舅申伯出封于謝尹吉甫作詩以送之

吳志孫堅舊將丹陽朱治見袁術政

德不立勸策歸取江東策因說術曰家有舊恩在東願

助舅討橫江橫江拔因投本土召募可得三萬兵以佐

明使君定天下注云願

得備彌甥

自稱皇舅

左傳

助舅策之舅吳景也

子曰以肥之得備彌甥也有不腆先人之產焉使求薦諸夫人之宰其可以稱旌繁乎彌遠也或曰外孫也

隋書呂道貴文帝從舅

蕭勵愛甥

季元託女

南史

也凡與人言自稱皇舅

總七歲而孤依于外氏性聰敏為舅平光侯蕭勵所鍾

愛謂曰汝神采英拔後來知名當出吾右韓充依舅

季元元為河陽節度使署充為牙將曰我知君舊矣吾

兒不才不足累卿二女方幼以為託後元沒充為嫁之

爲營家產

悉給廩祿

唐書姚崇外甥任昇少孤養于崇家乃與之立家產謂之

曰爾吾無間然矣惜殊宗而代疎命與其子同名冀無以別也裴守真因關中旱悉以廩祿奉姊及諸甥

等于子弟

倚爲腹心

南史丹陽徐湛之素爲彭城王義康所愛雖爲甥舅恩過

子弟唐書竇軌以甥爲腹心嘗夜出呼甥不至斬之

選甥坐貶

抵舅致愆

又曰王涯居翰林其甥皇甫湜中選考覈之際以不先言坐貶王師範舅殺人其家訴之師範曰法非吾敢

亂乃抵舅罪母恚之師範立堂下日三四至不得見三年拜省戶外不敢進

司空立嗣

環衛推官

唐書司空圖無子以甥爲嗣常爲御史所劾昭宗不問也張克勤爲左環衛大將軍有

詔賜一子五品官克勤以息幼推與其甥裴夷直劾曰克勤勦有司法引庇他族開後日賣爵之端不可許詔

聽之遂著于令

甚修甥禮 有似舅形

世說王子敬兄弟見郝愔躡履問訊甚修

外甥禮及嘉賓死皆著高屐儀容輕慢命坐皆云有事不暇坐既去郝愔慨然曰使嘉賓不死鼠輩敢爾嘉賓

名超愔子也

晉書桓豹奴是王丹陽外甥形似其舅

桓甚諱之宣武曰不恒相似時似耳恒似是形時似是

神桓逾不悅

同爲洗馬 薦用龍圖

史記漢汲黯字長孺司馬安是其姪子與

黯同爲太子洗馬

本傳宋周濂溪少孤養于外家

景祐中用舅氏龍圖閣學士鄭公奏試將作監主簿

八歲吟詩

五齡受傳

南史謝貞八歲嘗爲春日間居詩從舅王筠奇之謂所親曰至

風定花猶落乃追步惠連矣齊春秋劉瓛字珪沛人五歲聞舅孔昭先讀管寧傳欣然請更讀因聽受曰可

及此耳

稱其器識

著厥聲名

晉書鎮南大將軍劉宏乃應詹之祖舅詹爲長

史謂之曰君器識弘深當代老子于荆南矣 劉璵字慶遜與弟琨字越石並爲尚書郎郭奕之甥聲名著當

時京師爲之語曰洛

中奕奕慶遜越石 植梨橘柚 玳瑁真珠

世說桓靈寶問

劉太常曰我何如謝太傅答曰公高太傅深又曰何如

賢舅子敬答曰植梨橘柚各有其美 據言皇甫松牛

僧孺之甥也怨舅不薦作謗詩曰夜入真珠室朝游玳瑁筵真珠牛妾名

頗如風韻 盡

得圖書

梁書陸杲字明霞少好學工書畫其舅張融有高名杲風韻舉止頗與相類時稱曰無對日下

惟舅與甥

朱梁時溫韜盜發昭陵石函鐵匣中所得

前代圖書及二王真跡甚富後韜殛死其甥鄭元素盡

得其圖書真跡避禍南徙隱

入學以甥 在宮稱舅

居廬山青邱谷中四十餘年

實抗母隋文帝姊安成公主也抗以帝甥早貴入太

學釋褐

實抗歸長安高祖以兄呼之宮中稱爲舅

自致公卿

恩踰子姪

封倫年方少舅盧思道曰是兒識畧過人當自致公卿

唐書

王佖乃李晟之甥武敢閑騎射晟在師佖無不從晟視佖與子姪等而給與過之

嘗賜珊瑚

如睹珠玉

世說石崇與王愷爭豪武帝愷之甥也每助愷嘗以一珊瑚樹高二尺許賜愷枝柯

扶疎世罕其匹

北史齊李繪字敬文儀貌端偉神情朗雋第五舅河間邢宴每與言歎其高遠曰若披雲霧

如睹珠玉宅相

劉家月旦

阿士文章

南史齊王延之與阮韜俱

之奇良在此甥

劉湛外甥並有早譽湛甚愛之曰韜後當為第一延之

為次也延之不平每致餉下都韜與朝士同列齊武聞

之與延之書曰韜與卿未嘗有別意當緣劉家月旦故

耶韜字長明裕元孫也又曰劉孝綽幼聰敏七歲能

屬文舅王融深賞異之嘗與同載適親友號曰神童融

每言曰天下文章若無我當歸阿士阿士孝綽小字也

可語孫吳

歎爲曾蘭

唐書李靖字藥師其舅韓擒虎每與論兵法輒嘆曰可與

語孫吳者非若人而誰哉謝蘭安八世孫也五歲時每父母未飯乳姬欲令蘭先飯蘭曰既不見饑彊食終不進舅阮孝緒聞之歎曰此兒在家則曾子之流事君則蘭生之匹因名之曰蘭稍授以經史過目便能諷誦孝緒每曰吾家陽元也

舅母親乳楊后

詩咏周公

晉武帝楊后諱艷字

瓊枝弘農人母天水趙氏早卒于舅家舅母仁愛親乳之使他人乳已子謝太傅劉夫人事見妒類

舅甥四

原王之元舅

詩不顯申伯王之元舅文武是憲

汾王之甥

詩韓侯娶妻汾王之

甥

戈逐其舅

國語晉公子重耳以戈逐其舅子犯曰若吾無濟吾食舅氏之肉

宋

鄭

傳宋鄭甥舅也

白水之誓

左傳晉文公謂子犯曰所不與舅氏同心者有如白水乃投其

壁于河

增衛原霍出

漢書霍去病衛青姊子也

嚼棗哺之

蔡邕進表平邱

程末年十四時父沒末抱尸號泣悲哀舅哀其羸劣嚼棗肉以哺之末見食歔歔不能吞咽

館字

渭陽

世說魏明帝爲外祖築館旣成謂左右曰當何名之侍中繆襲曰陛下聖德齊于哲王周極過于曾

閔此館之興情鍾舅氏宜字曰渭陽

酷似其舅

晉書何無忌酷似其舅何謂無成

原

焉有此甥

王悅造其舅范甯甯曰御風流雋望後來之秀悅曰不有此舅焉有此甥

戲調

其舅

世說謝綯于公座戲調其舅袁湛湛不堪曰汝父輕舅汝今復加我可謂世無渭陽情綯父重王敬

之外甥與舅不叶綯字宣美

常攜就食

郝鑒事詳叔姪

明珠在側

晉書王武

子衛玠之舅也武子語人曰與我甥坐炯然若明珠之在側

西門之慟

又曰謝安與姪元瞻

墅顧甥羊曇曰以墅乞汝安薨曇輟樂彌年行不由西州門路嘗因石頭大醉不覺至州門左右曰此西門曇

悲感以馬策叩扉咏曹子建詩生存華屋處零落歸山邱慟哭而去

增珠玉在旁

世說王濟

字武子衛玠之舅也儁爽有風姿見玠歎曰珠玉在旁覺我形穢

出羣之器

又曰韓康伯清

和有思理舅殷浩稱之曰康伯少自標置居然是出羣之器及其發言遣辭往往有思理

驅使草

木

又曰衛江州在潯陽有知舊人投之都下料理惟餉王不留行一斤此人得餉便命駕李宏範聞之曰家

舅刺薄乃復驅使草木

不畏彊禦

梁書領軍將軍張稷是陸杲從舅杲嘗以公事彈稷稷因

侍宴訴高祖曰陸杲是臣通親小事彈臣不貸高祖曰杲職司其事卿何得爲嫌杲在臺稱爲不畏彊禦

鞠養之恩

南史梁顏協幼孤養于舅氏陳郡謝朓卒協以有鞠養之恩居喪如伯叔禮議者重之

舅甥俱宦

唐書郝處俊事舅謹與許圜師同里同宦達

郭莊賜舅

見莊類


舅甥五

增詩唐杜甫送舅錄事攝郴州詩曰賢良歸盛族吾舅
盡知名徐庶高交友劉牢出外甥泥塗豈珠玉環堵但
柴荆衰老悲人世驅馳厭甲兵氣春江上別淚血渭陽
情舟鷁排風影林鳥反哺聲永嘉多北至勾漏且南征
必見公侯復終聞盜賊平郴州頗涼冷橘井尚淒清從

役何蠻貊居官志在行 李白別從甥詩曰賢甥即明
月聲價動天門能成吾宅相不減魏陽元自顧寡籌略
功名安所存與爾俱飄泊此心難具論

原哀文晉孫楚和氏外孫道生哀文曰嗟爾道生和氏
之寶玉顏豐下曜于懷抱暮春而育孟冬而夭二十三
旬期于五日方之期頤百分之一命之修短始則有終
誰能長久與天無窮錢翁近千殤子幼沖俱反無形冥
昧之中造化多少豈獨爾躬 又和氏外孫小同哀文

曰曄曄華朝生夕落爾命方之猶爲淺薄暫有形質
尋反冥漠譬彼蜉蝣不識晦朔死尚未知生亦焉知爾
雖旬月我未之視萬物混焉天地一指杪末嬰孩安足
稱誅大人達觀同之一揆



御定淵鑑類函卷二百四十九